

ጾኑሲ ማዶም ዳኪንቴ ጳውሎስ ኪኢቶ ሮሜ ዓጮ ዓሶም ዓይያ ካሮ

ጾኑሲ ማዶም ዳኪንቴ ጳውሎስ ሃያ ኪኢቶ ሮሜ ዓሶም ፃኣፔሢ ሮሜ ዓጮይዳ ዓኣ ሺኢጲያ ማኣሮ ዓሶ ዛጋኒ ዒ ማሊሢሮ ዔያታ ዒዛ ገኢጊ ካፓንዳፕዲኤ። ጳውሎሴኮ ማሊያ ሮሜይዳ ዓኣ ኪሪሰቶሴ ጉሙርቁ ዔኬዘንሢና ዳካ ዎዴ ዴዒ ማዳሰካፓ ዔያታ ዒዛ ማኣዴም ዒሰፔኔ ዓጮ ዴንዳኒኤ፤ ኪሪሰቶሴ ጉሙርቁ ዔኬያ ዛሎ ዒ ዔሬ ባኮና ሃሣ ዔያታ ዎይቲ ናንጋንዳቴያ ናንጋንዳ ጎይያ ፓይዲ ፓይዲ ፃኣፔኔ፤ ጳውሎሴ ዔያቶ ኪኢታኒ ማሌ ባካ ቢያ ሃኖ ኪኢቶይዳ ዓኣኔ።

ጳውሎሴ ሮሜይዳ ዓኣ ኪሪሰቶሴ ጉሙርቁ ዔኬዘንሢም ሳራሢ ሳራሢያና ሃሣ ዔያቶም ዒ ሺኢቃያ ማዒያዎ ዔርዘሢካ ገንፃ ዒዛ ኪኢቶኮ ዓኣፖ ማዔ ባካ፡- «ጾኑሲ ዓሲ ዲሎ ማሂ ዛጋሢ ኪሪሰቶሴ ጉሙርቁቶ ሌሊ ማዔሢ ዬይ ኮዠ ሃይሶ ቃኣላ ኬኤዛኔ፤ ዓይጎሮ ጌዔቴ ኪሪሰቶሴ ጉሙርቃ ዓሲ ጾኑሲ ዲሎ ማሂ ዛጋኔ፤ ናንጊያ ዴንቃንዳኔ» (1:17) ጋዓ ማሊያ ማዔሢ ዒ ዳዎኔ።

ዬካፓ ሃሣ ጳውሎሴ ዬኖ ማሊፃሎ ዳልጊሺ ፃኣፓዎ ዓይሁዴ ዓሶ ማዔቴያ ማዒባኣ ዓሳ ቢያ ጎሜና ዓኣያ ማዔሢሮ ጾኑሲና ዎላ ቡካንዳያ ኮይሳኔ፤ ዓሲ ጾኑሲና ዎላ ቡካኒ ዳንዳዓሢያ ዬሱሰ ኪሪሰቶሴ ጉሙርቁ ዔኬሢና ሌሊኤ፤ ዬኖ ጾኑሲና ዎላ ገኢጊ ቡኪንቶኮ ዓኣፓ ሜሌ ዓኪ ናንጊ ዴንቁሢ ማዔሢ ዒዚ ዳልጊና ኬኤዛኔ። ዒዚ ኬኤዛያ ኪሪሰቶሴ ጉሙርቁ ዔኬ ዓሲ ጾኑሲና ዎላ ኮሺ ናንጋንዳኔ፤ ዬይ ዓሢ ጾኑሲ ዓያኖ ዛሎና ጎሜና ሃይቢናኮ ዎልቆ ዴማፓ ባሺ ኬሰኬኔ፤ ጌዒ ዓይ. 5—8 ሄላንዳኣና ጳውሎሴ ጾኑሲ ዎጎኮ ማሊያና ኪሪሰቶሴ ጉሙርቁ ዔኬ ዓሶ ናንጎይዳ ማዳ ዓያኖ ጌኤዠናኮ ማሊያ ዓይጎታቴያ ዔርዘኔ፤ ዬካፓ ሃሣ ጳውሎሴ፡- «ጾኑሲ ዓሲም ማላ ማሊያ ጋራ ዓይሁድና ዓይሁዴ ማዒባኣ ዓሶና ዎላ ዎይቲ ፔቴ ማዒኒ ዳንዳዓይ?» ጋዓ ዓሶኮ ጾኑጨያ ማሃኒ ሚርጌ ኮዓኔ።

ሃሣ ዓይሁድ ዓሳ ዬሱሴ ጉሙርቁ ዔኩዎዎ ዓቲፃ ጾኑሲ ማሊሢ ማዒያ ዒ ኬኤዛኔ፤ ዓይጎሮ ጌዔቴ ዬያ ጎይያና ዓሲ ቢያ ዬሱሰ ኪሪሰቶሴ ዛሎና ጾኑሲ ጉሪ ዒንጌ ዳቁንቶና ዳቃኒ ዳንዳዓንዳፕዲኤ ጋዓኔ፤ ማዔቶዎ ዓይሁድ ዓሳ ዬሱሴ ጉሙርቁ

ዔካንዳ ዋዴ ሙካንዳሢ ጳውሎስ ጉሙርቃኔ፤ ጋፒንፃ ጳውሎስ ኬኤዛያ ኪሪስቶስ ጉሙርቂ ዔኪ ዋይቲ ናንጎንዶቲያ፣ ባሽ ሃሣ ኪሪስቶስ ጉሙርቃ ዓሳ ዋላ ናሹዋና ናንጋንዳጉዲ ኬኤዛኔ፤ ዬያይዳ ዒ ቃሳያ የኦሲም ማዲሢ ዛላንታ ኪሪስቶስ ጉሙርቃ ዓሳ ፔ ዓጮም ገንሣ ዋሊማእ ዔያታ ማዲኒ ኮይሳ ባኮ ሃሣ የኦሲ ዋጎ ዔያታ ማዲ ዋዶና ዔያቶም የኦጪሢ ማዒ ሂርጊሻ ባኮ ዛሎ ፓይዲ ፓይዲ ዒ ኬኤዛኔ።

ማፃኣፕላ ዲማ ዲማ ዓርቄ ባኮ

1. ዓይያ ካርንታ ኬኤዚንታኒያ ማሊንቲ ባኮ (1:1-17)
2. ዓሲ ቢያም ዳቂንታ ኮይሳሢ (1:18—3:20)
3. የኦሲ ዓሲ ዳቂሻ ጎይያ (3:21—4:25)
4. ኪሪስቶስ ዛሎና ጳዳ ዓኪ ናንጊ (5:1—8:39)
5. የኦሲኮ ዒሰራዔኤሌ ዓሰም ዓኣ ማሊያ (9:1—11:36)
6. ኪሪስቶስ ጉሙርቃ ዓሲ ናንጋ ጎይሢ (12:1—15:13)
7. ጋፒንሢ ማሊሢና ሳራሥሢ (15:14—16:27)

1 ዬሱስ ኪሪስቶስም ማዲያ ማዔ፣ የኦሲ ማዶም ዔኤሊንቲ፣ ኮዦ ሃይሶ ቃኣሎ ኬኤዛኒ ዶኦሪንቲ፣ ጳውሎስይዳፓ ዳኪንቲ ኪኢታ፤

2 ሃይ ኮዦ ሃይሶ ቃኣላ የኦሲ ፔ ማሊያ ኬኤዛ ዓሶ ዛሎና ጌኤዦ ማፃኣፕይዳ ቤርታዲ ዒንጌ ሃጊ ማዓንዳ ዋዞ ቃኣሎኬ።

3 ኮዦ ሃይሳ የኦሲ ናዓሢ ዓሲ ማዒ፣ ዳውቲ ዜርየይዳፓ ሾይንቲሢ ኬኤዛያኬ።

4 ዬያጉዲ ሃሣ ጎዳ ዬሱስ ኪሪስቶስ ጌኤዦ ዓያኖ ዛሎና ጳኤፒ ዋልቁና ሃይባፓ ዔቂያና የኦሲ ናይ ማዔሢ ኬኤዛኔ።

5 ዒዛ ዛሎና የኦሲ ማዶም ዳኪንቲያ ኑና ማሃኒ ዳንዳዒሳ የኦሲኮ ኮሹዋ ዒንጊያ ኑ ዴንቄኔ፤ ዬያር ዒዛ ዛሎና ዓይሁዴ ማዒባኣ ዓሳ ቢያ ኪሪስቶስ ጉሙርቃንዳጉዲና ዒዛም ዓይሢንታንዳጉዲ ኑ ማሃኔ።

6 ዒንሢያ ዬሱስ ኪሪስቶስሮ ማዓንዳጉዲ የኦሲ ዔኤሌ ዓሶ ባኣካኬ።

7 ዬያር ሮሜ ዓጮይዳ ናንጋያ፤ ሃሣ የኦሲ ዒንሢ ናሽኪ፣ ዒዛ ዓሲ ማዓንዳጉዲ ዔኤሌዞንሢም ቢያ፡-

ኑ ዳዳሢ የኦሲና ጎዳ ዬሱስ ኪሪስቶስናኮ ሚጪንቲያና ኮሹዋና ዒንሢም ማዶም።

ጋላታ ሺኢጲሢ

8 ዲንሢኮ ያኦሲ ጉሙርቁያ ሃይሳ ዓጮ ቢያይዳ ዋይዚንቴሢር ቢያፓ ቤርታሲ ዩሱስ ኪሪሰቶሴ ዛሎና ዲንሢ ቢያሢ ዛሎር ታ ያኦዛሢ ታኦኒ ጋላታኔ።

9 ቢያ ኬሊ ታ ሺኢቃ ዎደና ዲንሢ ዛሎ ዋሉዎያ ማዒያኮ ዒዛ ናኦዚ ዛሎ ኮዦ ሃይሶ ቃኦሎ ኬኤዚ ኬኤዚ ጉቤ ዒናፓ ታ ዒዛም ማዳ ያኦዛሢ ታኦኮ ማርካኬ።

10 ያኦሲ ጌዔቴ ጋፒንፃ ሃሢ ዲንሢ ኮራ ታ ሙካንዳ ጎይሢ ዒ ገኢጊሻንዳጉዲ ቢያ ኬሊ ታ ሺኢቃኔ።

11 ዓይጎር ጌዔቴ ዲንሢ ያኦሲ ጉሙርቁያ ደዳንዳጉዲ ማሃ ዓያኖ ዲንጊያ ታ ዲንሢም ኬኤዛኒ ኮዓሢር ታ ዲንሢ ዛጋኒ ኮሺ ማላኔ።

12 ዬያ ታ ጋዓሢ ታኦኒ ዲንሢ ጉሙርቁያ ዛሎና ዲንሢያ ታ ጉሙርቁያ ዛሎና ዎሊ ኑ ደዲሻኒ ኮዒኬ።

13 ታ ዒሾንሦ! ታ ሚሾንሦ! ሜሌ ዓይሁዴ ማዒባኦ ዓሶ ታ ዔርዚ ሚርጌ ኪሪሰቶሴ ጉሙርቃ ዓሲ ዴንቄኔ፤ ዬያጉዲ ሃሃ ዲንሢ ባኦኮይዳኦ ታ ዔርዚ ኪሪሰቶሴ ጉሙርቃ ዓሲ ዴንቃኒ ማሌኔ፤ ጋዓንቴ ዲንሢ ባንሢ ሙካኒ ሚርጌ ታ ማሌም ሃኖ ሄላንዳኦና ታኦም ገኢጊባኦሢ ዲንሢ ዔራንዳጉዲ ታ ኮዓኔ።

14 ገሪኮ ዓጮ ናንጎና ሙኤጮና ዔራ ዓሶና ዔሩዎ ዓሶናም፡ ጨንጮ ዓሶና ቦኦዞ ዓሶናም ኮዦ ሃይሶ ዔርዛንዳያ ታና ኮይሳኔ።

15 ዬያሮኬ ዲንሢ፡ ሮሜይዳ ናንጋዞንሢም ኮዦ ሃይሶ ኬኤዛኒ ታ ኮዓሢ።

ኮዦ ሃይሶ ቃኦሎ ዎልቆ

16 ታኦኒ ኮዦ ሃይሶ ቃኦሎ ኬኤዛኒ ቦርሲንቴዎሴ፤ ዓይጎር ጌዔቶ ኮዦ ሃይሶ ቃኦላ ቤርታዲ ዓይሁዴ ዓሶ፡ ሄሊሳዎ ዓይሁዴ ማዒባኦ ዓሶ፤ ጌይፃ፡- ጉሙርቃ ዓሶ ቢያ ዳቂሻኒ ዳንዳዓ ያኦሲ ዎልቁኬ።

17 ዬይ ኮዦ ሃይሶ ቃኦላ ያኦሲ ዓሲ ዒሎ ማሃ ዛጋሢ ኪሪሰቶሴ ጉሙርቁቶ ሌሊ ማዔሢ ኬኤዛኔ፤ ዓይጎር ጌዔቴ፡- «ያኦሲ ጉሙርቃ ዓሲ ያኦሲ ዒሎ ማሃ ዛጋኔ፤ ናንጊያ ዴንቃንዳኔ» ጌይንቴ ያኦፒንቴኔ።

ዓሲኮ ፑርቱዎ

18 ዓሳ ፔኤኮ ፑርቱዎና ጎኑዎ ፔጋዲ ዔርቱዎጉዲ ማሃኔ፤ ዬያር ዔያቶኮ ጎዎና ፑርቱዎና ዛሎር ያኦሲኮ ጎሪንታ ጫሪንጫፓ ዔያቶይዳ ሙካንዳኔ።

1:13 ዳኪ. ማዳ 19:21። 1:16 ማር. 8:38። 1:17 ዒምባ. 2:4።

19 የኦሲ ዔያቶ ሜቶና ጎራሢ የኦሲ ዛሎ ዔያታ ዔራጊ ኮይሳ ባኮ ዒ ዔያቶ ፔኤሮ ዔርዘም ዔያታ ዔራያታሢሮኬ።

20 ዓጫ ማዢንቴሢዲፓ ዓርቃያ ዓሲም ጴዲዋ፣ የኦሲ ባካ፤ ጌይያ፡- ናንጊና ናንጋ ዒዛኮ ዋልቆና የኦሱሞና ዒ ማዢ ባኮይዳ ፔጋዲ ጴዴኔ፤ ዬያሮ ዬሮ ዓሶጉዲ ዔሬያ ፑርቲሳዘንሢ ቶላኒ ጌሰታንዳ ባኣዚ ባኣሴ።

21 ዓይጎሮ ጌዔቴ ዔያታ የኦሲ ዔሬያታያ ዒዛም ኮይሳ ቦንቾና ጋላታና ዒንጊባኣሴ፤ ዬያሮ ዔያታ ፔኤኮ ማሊያና ፓሠዋ ዓሲ ማዔኔ፤ ሃሣ ጳቂሠዋያ ማዒ ዒና ዔያቶኮ ባይቄ፤

22 ዔያታ «ኑ ጩንጫ ዓሲኬ» ጋዔ፤ ታንቴ ዔያታ ዔኤያኬ።

23 ናንጊና ናንጋ የኣዛሢ ካኣሽኪያ ሃሺ ላኣሚንታያና ባይቃያ ማዔ፣ ዓሲንታ ካፒንታ ቆልሞንታ ሳዓይዳ ዳዲና ሃንታ ባኮ ማሊሲ ማዢና ካኣሽኮ ባኣዚ ዔያታ ካኣሽኪሢ ዓርቄ።

24 ዬያሮ የኦሲ ቦርሲሳ ባኣዚ ዔያታ ማዳንዳጉዲ ዒኣሳ ፑርታ ባኣዚ ኩሜ ዔያቶ ማሊያ ዔያታ ኩንሣንዳጉዲ ዔያቶ ሃሽኔ።

25 ዬይያዲ ማዔሢ የኦሲኮ ጎኑሞ ሉኡዙሞና ዔያታ ላኣሜሢሮ፣ ማዢሢ ዓኣንቴ ማዢንቴ ባኮ ዔያታ ካኣሽኪ፣ ዬያ ባኮም ማዳሢሮኬ፤ የኦሲ ጋዓንቴ ናንጊና ጋላቲንቴያኬ።

26 ዓሳ ዬያ ማዳሢሮ የኦሲ ዓሶ ኮይሱዋ ቦርሲሳ ሱኡኬም ዓኣሢ ዒንጌኔ፤ ዔያቶኮ ላኣላታያ ዔርቴ ጎይያጉዲቱዋንቴ ዳምቤባኣ ጎይሢ ላኣሊና ላሃኔ።

27 ዬያጉዲ ሃሣ ዓቲንቃ ላኣሎና ላሃያ ሃሺ፣ ዋላ ላሃኒ ኮዒሢና ዓቲንቃ ዓቲንቆና ዋላ ቦርሲሳ ባኣዚ ማዴኔ፤ ዬያሮ ዔያቶኮ ዳቢንቶ ዛሎና ዔያቶም ኮይሳ ሜቶ ፔጊዳ ዔያታ ዔኪ ዬዓንዳኔ።

28 ዓሳ የኦሲ ዔራጊ ኮዒባኣሢሮ ቦርሲሳ ባኣዚ ማዳንዳጉዲ የኦሲ ፓሠዋ ማሊሢም ዓኣሢ ዔያቶ ዒንጌኔ።

29 ዬያሮ ጌፔ ማዶ፣ ፑርቱሞ፣ ዲኡዲሞ፣ ኮሜ ዓርቂሢ፣ ቂኢሩሞ፣ ዓሲ ዋዲሢ፣ ዑራ፣ ጌሺሢ፣ ፑርታ ማሊሢ ዔያቶይዳ ኩሜኔ፤

30 ዬያጉዲ ሃሣ ዔያታ ዶንካያ፣ ዓሲ ሱንሢ ባይዛያ፣ የኦሲ ዒያያ፣ ዓሲ ቦሃያ፣ የቶርቃያ፣ ሄርሺንታያ፣ ፑርታ ባኣዚ ማዶንዶ ጎይሢ ኮዓያ፣ ሾዔ ዓሰም ዓይሢንቴዋያ፣

31 ጳቂሠዋያ፣ ጌሰቲ ቱኮና ጌኤዞ ካፑዋያ፣ ናሹሞ ባኣያ፣ ሚጩንቴሢያ ባኣ ዓሲኬ።

1:21 ዓፕ. 4:17-18። 1:23 ላሚ. ዋማ 4:16-18።

32 «ዩንሢ ማዳዘንሢም ቢያ ሃይቢ ኮይሳኔ» ጋዓ ያኦሲኮ ዋጎ ዔራያታዖ ዬያ ቢያ ዔያታ ማዳኔ፤ ማዶ ሌሊቱዋንቴ ዬያጉዲ ማዳ ዓለዋ ዔያታ ማዳንዳጉዲ ደዲሻኔ።

2

ያኦሲ ዋጋ ዋጌ

1 ማሌ ዓሲ ዑሰካ ኮይሱዋ ጎይሢ ዋጋሃ! ኔ ቶኦኪና ኔ ኬኤዚ ቶላንዳ ጎይሢ ኔኤኮ ባኣሢ ዔራ፤ ዋይቲ ጌዔቴ ኔኤኒ ዓሲይዳ ዋጋያታዖ ዬይ ኔ ዋጋ ዓሢ ማዳማ ኔ ማዳኔ፤ ዬያሮ ማሌሢ ዑፃ ኔ ዋጋ ዋዶና ኔ ቶኦካ ኔ ዋጋኔ።

2 ዬያ ማዶ ማዳ ዓሶ ዑያይዳ ያኦሲ ዔያቶም ኮይሳ ዋጌ ዋጋንዳሢ ኦ ዔራሬኔ፤

3 ሃይ ዓሢ ኔ! ዬያይዲ ማዳ ዓሶ ዑፃ ኔ ዋጋያታዖ፣ ዔያታ ማዳ ባኮ ኔ ማዳያታቴ ያኦሲኮ ዋጋጋ ኔ ቶላንዳያ ኔኤም ማላ?

4 ሃሢ ያኦሲኮ ኮሹሞና ገቢ ዳንዳዒያናኮ ሚርገያ ኔ ቦሃ? ያኦሲ ኔኤም ኮሹሞና ማሌሢ ኔና ጎሞይዳጋ ፔ ባንሢ ማሃኒታሢ ኔ ዔራዋዓዳ?

5 ዓካሪ ኔኤኒ ጎሞ ቡኡያ ዒፃያ ማዔሢር ያኦሲኮ ጎሪንቶና ዒሎ ዋጎና ፔጋዳ ዋዶና ማታ ኔ ገዳ ሃቺም ዲባንዳጉዲ ኔ ማሃኔ።

6 ዓይጎር ጌዔቴ ያኦሲ ፔቴ ፔቴሢም ፔኤኮ ማዶጉዴያ ዒንጋንዳኔ።

7 ኮሺ ማዶ ደዲ ማዲ ጋላታና ቦንቾና ሃሢ ባይቁዋ ናንገያ ኮዓዘንሢም ናንገና ጋፑዋ ናንገ ያኦሲ ዒንጋንዳኔ።

8 ጋዓንቴ ፔኤም ማዓ ባኣዚ ኮዓያ፣ ሃሢ ጎኡሞ ሃሺ ፑርታ ማዳዘንሢም ያኦሲጋ ፑርታ ዋጌና ጎሪንቲና ሙካንዳኔ።

9 ፑርታ ማዳ ዓይጎ ዓሲዳ ማዖም ሜቶና ዋኣዮና ሄላንዳኔ፤ ዬይያ፡- ቤርታዲ ዓይሁዴ ዓሶይዳ ዬካጋ ዓይሁዴ ማዒባኣ ዓሶይዳ ማዓንዳኔ።

10 ጋዓንቴ ዓይሁዴ ዓሲ ማዔቴያ ዓይሁዴ ማዒባኣያታዖ ኮሺ ባኣዚ ማዳ ዓሲም ቢያ ጋላታና ቦንቾና ሃሢ ኮሹሞዋ ዒንጋንታንዳኔ።

11 ዋይቲ ጌዔቴ ያኦሲ ዓሲ ዲማሱዋሴ።

2:1 ማቲ. 7:1፤ ሉቃ. 6:37። 2:6 ዓይኑ. 62:12፤ ኮኣኪ. 24:12። 2:11 ላሚ. ዋም 10:17።

12 ሙሴ ዔርዘ ዋጎ ዔሩዋያታቱያ ጎሜ ማዳ ዓሳ ቢያ ዔያታ ማዳ ፑርቶ ማዳ ዛሎና ባይቃንዳኔ፤ ዬያ ዋጎ ዔራያታ፣ ጎሜ ማዳህ ዬያ ዋጎ ጎይያና ኮይሳ ሜቶ ዔካንዳኔ።

13 ዓይጎሮ ጌዔቲ ያኦሲ ቤርቲዳ ዲሎ ማዓዞንህ ዋጎ ካፓዞንህከ፤ ዋይዞ፣ ካፑዋዞንህቱዋሴ።

14 ሙሴ ዔርዘ ዋጎ ዔሩዋ ዓይሁዴ ማዒባኦ ዓሳ ዔያቶኮ ናንጎ ዋጋ ዓይህ ባኮ ማዳኔ፤ ዬያሮ ሙሴ ዔርዘ ዋጎ ዔያታ ዔሩዋቱያ ዔያቶኮ ዒና ዋጌ ዓኣህሮ ዔያታ ማድንዶ ባኮ ዔዔራኔ።

15 ሃህ ዔያቶኮ ዒና ዔያቶም ማርካዳኔ፤ ዋይቲ ጌዔቲ ዔያቶኮ ዒና ፔቲ ፔቲና ዔያታ ማዳ ባካ ፑርታ ማዒያ፣ ፔቲ ፔቲና ሃህ ኮሺ ማዒያ ዔያቶም ዔርዘኔ፤ ዬያይዲ ዔያታ ማዳህሮ ሙሴ ዔርዘ ዋጋ ዓይህ ባካ ቢያ ዔያቶኮ ዒና ፃኣፒንቲ ዓኣህ ዔርታኔ።

16 ዬይ ያዲ ማዓንዳህ ሃህ ታኣኒ ኮዡ ሃይሶ ቃኣሎ ዛሎና ከኤዚ፣ ዔርዘህ ጎይያ ዓሳ ማዳ ዓኣሺንቲ ባኮይዳ ዬሱሰ ኪሪሰቶሴ ዛሎና ያኦሲ ዋጋ ከሎናከ።

ዓይሁዶ ዓሰና ሙሴ ዔርዘ ዋጎና ዛላ

17 ሃይሾ ኔኤኒ ኔና፡- «ታኣኒ ዓይሁዶ ዓሰከ» ጌዒ ሙሴ ዔርዘ ዋጎ ጉሙርቃያ ሃህ፡- «ታ ያኦሲ ዓሰከ» ጌዒ ኔ ሄርሺንታኔ።

18 ኔኤኒ ያኦሲ ማሊያ ዔራያ፣ ሙሴ ዔርዘ ዋጋ ጋዓህያ ዔራህሮ ኮሺ ማዳ ኔ ዔራኔ።

19 ኔኤኒ ሃህ፡- «ዓኣፖ ባይቄ ዓሶ ታ ዔከ ዓኣዳያ፣ ዲሞይዳ ዓኣ ዓሶኮዋ ታፖዒከ» ኔ ኔና ጋዓኔ።

20 ዬያጉዲ ሃህ ኔ፡- «ዔሪባኣ ዓሶ ታ ዔርዘያከ፤ ናኣቶ ታ ዔርዘያከ» ጋዓኔ፤ ጊንህ ሃህ፡- «ዋጎንታ ዋጎኮ ጎኑሞ ማርጌና ታ ዔራያከ» ኔ ጋዓኔ።

21 ዓካሪ ሜሌ ዓሶ ኔ ዔርዘያ ማዓያ፣ ኔና ኔ ዔርዙዋዓዳ? «ውኡቂፖቲ» ኔ ጋዓኔ፤ ጋዓንቲ ኔ ኔኤሮ ዉዉኡቃኔ፤

22 ጊንህ «ዒኒ ሃህ ማቾ ማዒባኦና ላሂፖቲ» ኔ ጋዓኔ፤ ጋዓንቲ ዬያ ኔ ማማዳኔ፤ ሜሌ ካኣሽኮ ባኮ ኔ ሻሻኣከንታኔ፤ ጋዓንቲ ዬያ ካኣዡ ማኣራ ዓኣ ባኮ ዔያቶኮ ኔ ቡቡራኔ።

23 ኔኤኒ ያኦሲ ዋጎና ሄርሺንታኔ፤ ጋዓንቲ ዬያ ዋጎ ኔ ካፖ ሃሺያና ያኦሲ ኔ ቶኦቻኔ።

24 ዬይ ያዲ ማዔህ፡- «ዒንህ፣ ዓይሁዶ ዓሰ ዛሎና ያኦሲኮ ሱንፃ ዓይሁዶ ማዒባኣ ዓሰና ጫሽከንታኔ» ጌይንቲ ፃኣፒንቲ ጎይያናከ።

2:24 ዒሲ. 52:5።

25 ዓቲንቶ ቤርቶ ተቁፆ ካኣሺ ኔኤም ማዓሢ ዎጎ ኔ ኩንሢቶኩ፤ ዎጎ ኔ ካፑዎያ ማዔቶ ጋዓንቴ ዓቲንቶ ቤርቶ ተቁፆ ካኣዠ ጉሪ ማዓንዳኔ።

26 ዬያሮ ዓቲንቶ ቤርቶ ተቁንቲባኣ ዓይሁዴቱዎ ዓሢ ዎጎ ዓይሢያ ኩንሢያ ማዔቶ ዓቲንቶ ቤርቶ ተቆ ካኣዠ ኩንሢያ ማዐ-ዎዓዳ?

27 ኔኤኒ ኔኤኮ ዎጌ ዓኣያ፣ ሃሣ ዓቲንቶ ቤርቶ ተቁንቶ ካኣዠ ኩንሢያ ማዓዎ፣ ዎጎ ኔ ካፒባኣያ ማዔቴ ዓሸኮ ዓቲንቶ ቤርቶ ተቁባኣያታዎ ዎጎ ኩንሢያ ዓይሁዴ ማዓባኣ ዓሢ ኔ ገደ ዎጋንዳኔ።

28 ዬያሮ ሱንፃ ሌሊ ዓይሁዴ ማዔ ዓሲ ጎኔ ዓይሁዴ ዓሲ ማዐ-ዎሴ፤ ዬያጉዲ ሃሣ ጴዳ ዓሸኮ ዓቲንቶ ቤርቶ ተቁፆ ሌሊ ጎኑዎ ተቁንቲ ካኣሺቱዎሴ።

29 ጎኔ ዓይሁዴ ዓሲ ዒኖ ጋራፓ ዓይሁዴ ዓሲ ማዒ ጴዳቶኩ፤ ጎኔ ዓቲንቲ ቤርቲ ተቁሢ ካኣሺ፡- ያኣሲ ዓያናፓ ማዔ ዒኔ ተቁንቲ ካኣሺ ማዓንዳኣፓዓቴም ሙሴ ዔርዜ ዎጎይዳ ፃኣፒንቴ ጎይያጉዲ ዓሸኮ ዓቲንቶ ቤርቶ ተቁንቶ ካኣዠቱዎሴ። ዬያይዳ ዓሲ ጋላታ ዴንቃንዳሢ ያኣሲዳፓ ማዓንዳኣፓዓቴም ዓሲዳፓቱዎሴ።

3

ዓይሁዴ ዓሰኮ ዳሲንቶ

1 ዓካሪ ዓይሁዴ ዓሳ ዓይሁዴ ማዓባኣ ዓሰይዳፓ ባሻሢ ዓይጎናዳይ? ዓቲንቶ ቤርቶ ተቁፆ ካኣዠ ዓይጎ ማኣዳይ?

2 ዓይሁዴ ዓሲ ማዓፃ ጎኔና ሚርጌ ጎይሢና ባሻያኩ፤ ዬይያ፡- ያኣሲ ፔኤኮ ቃኣሎ ዓይሁዴ ዓሰም ጉሙርቁ ዒንጌሢርኩ።

3 ዓይሁዴኮ ፔቴ ፔቴ ዓሳ ጉሙርቁንቱዎያ ማዒ ጴዳቶ፡- ዔያቶኮ ጉሙርቁንቱዎያ ማዒፃ ያኣሲ ጉሙርቁንቱዎያ ማሃ?

4 ፔቴታዎ ማሁዎሴ!
«ኔ ጌሰታ ጌኤዘና ጎኔ ዓሲ ማዒ ኔና ሞኣታሢ ኔ ላሣኔ»

ጌይንቲ ፃኣፒንቴሢጉዲ ዓሲ ቢያ ሉኡቃያ ማዔቴያ ያኣሲ ጎኔ ጌሰታያኩ።

5 ጋዓንቴ ኦኡኮ ጎማ ያኣሲ ፃሉሞ ፔጋሲ ዳዎያ ማዔቴ፣ ኦ ዎዚ ጋዓንዳይ? ያኣሲ ኦ ጎሞሮ ኦና ሜቶይዳ ዓጌቶ ፒዜ ዒ ዎጋያቱዎሴ ጌይሢዳ? ዬያ ታ ዓሲ ማለሢ ጎይሢ ጋዓኔ።

6 «ያኣሲ ፒዜ ዎጋያቱዎሴ» ጋዓኒ ፔቴታዎ ዳንዳዒንቱዎሴ፤ ያዲ ማዔቶ ያኣሲ ዓጮይዳ ሃገ ዎዲ ዎጋንዳይ?

2:29 ላሚ. ዎማ 30:6። 3:4 ዓይኑ. 51:4።

7 ጋዓንቴ ታአኮ ሉኡዚ ዓሲ ማዒፃ ምክራኮ ጎኑሞ ፔጋሲ ሶንቾ ዴኤፑሞዋ ደውሞያ ማዕቶ ዓካሪ ታአኒ ሉኡዚ ዓሲ ማዒ ምገንታህሂ ዓይገንዳርዳይ?

8 ፔቴ ፔቴ ዓሳ:- «ኮሺ ባአዚ ኑ ዴንቃኒ ፑርታ ባአዚ ኑ ማደሞ» ጌሲ ጌሲ ታአኒ ዔርዛያ ማሊሲ ኑና ደንካኔ፤ ዬያሮ ዔያቶ ዑፃ ምገንታንዳ ዴኤፃ ምጋ ፒዜኮ።

ዓሲ ቢያ ጎሜና ማዒፃ

9 ዬያይዳቴ ኑኡኒ፣ ዓይሁዶ ዓሳ ዓይሁዶ ማዒባአ ዓሳይዳፓ ባሻኔ ጌይሂዳ? ፔቴታፃ ያዲቱሞሴ! ዓይሁዶ ዓሳ ማዕቲያ ዓይሁዴ ማዒባአ ዓሳ ሃህሂ ዓሲ ቢያ ጎሜና ማዕህሂ ቤርታዲ ታ ኬኤዜ።።

10 ጌኤዡ ማፃአፖይዳ:-

«ፔቴታፃ ዲሎ ዓሲ ባአሴ፤

11 ዒኔና ጳቂህ ዓሲያ ባአሴ፤

ዒናፓ ምክራኮ ኮዓ ዓሲ ፔቴታፃ ባአሴ።።

12 ቢያህሂ ጎኑሞ ጎይፃፓ ደቢ ዣአሌኔ፤

ካራና ዓሲ ቢያ ጉሪ ባአዚ ማዕኔ፤

ፔቴታፃ ኮሺ ማደ ማደ ዓሲ ባአሴ።።

13 ዓሲ ባይዛ፣ ፑርታ ጌኤሲ ጌሰታኒ

ዳንጋ ዔያቶኮ ጉሪ ዱኡፒ ዔቴጉዲኮ፤

ዳንጋ ዔያቶኮ ጌሻያኮ፤

ጌኤዛ ዔያቶኮ ሾኦሺ ዳዓህጉዲኮ፤

14 ዳንጋ ዔያቶኮ ፑርታ ጋደማ ሌሊ ጋዳንቃያኮ።።

15 ዔያታ ዓሲ ምዳኒ ሩኡራኮ

16 ዔያታ ዴንዳ ቤዞ ቢያይዳ ባይሲንታና ሜቶናኮ ካራኮ።።

17 ምዲ ኮሺ ናንጎንዶቴያ ዔያታ ዔሩሞያኮ።።

18 ፔቴታፃ ምክራኮ ዔያታ ዒጊጨሞሴ» ጌይንቲ ፃአፒንቲ።።

19 ምጎኮ ዓይህፃ ኮይሳህሂ ምጌና ምርቃ ዓሲም ማዕህሂ ኑ ዔራኔ፤ ዬያ ዛሎና ዓሳ ቶላኒ ጎምንዶ ባአዚ ባይዚ ዳንጎ ፔኤሲ ዓርቃንዳኔ፤ ዓጫ ቢያ ምክራኮ ቤርታ ዳቢንቲያ ማዓንዳኔ።።

20 ዬያሮ ዓይጎ ዓሲያ ምክራኮ ቤርታ ሙሴ ዔርዜ ምጎ ኩንሥህና ዲሎሞሴ፤ ምጋ ዳሞህ:- ዓሲ ጎሜና ማዒፃኮ።።

ዓሲ ኪሪሰቶሴ ጉሙርቂህና ዲላያ ማዒፃ

3:12 ዓይኑ. 14:1-3፤ 53:1-3። 3:13 ዓይኑ. 5:9፤ 140:3። 3:14 ዓይኑ. 10:7። 3:17 ዓሲ. 59:7-8። 3:18 ዓይኑ. 36:1።

21 ሃሢ ጋዓንቴ ያኦሲ ዓሲ ዲሊሳ ጎይፃ ዎጋጋ ዲማዲ ጴዳኔ፤ ዩይያ፡- ሙሴ ዔርዜ ዎጎና ያኦሲ ማሊያ ከኤዛ ዓሶ ዛሎና ማርካዲንቴኔ።

22 ዩያሮ ያኦሲ ያናኦ ዲማሱዎ? ዩሱሰ ኪሪሰቶሴ ጉሙርቃዘንሢሢ ሲያ ዲሉሞ ዒንጋኔ።

23 ዓይጎሮ ጌዔቶ ዓሲ ሲያ ጎሜ ማዲ ያኦሲ ዔያቶሞ ዒንጌ ሲንቻጋ ዓቴኔ።

24 ዩያሮ ዓሳ ዩሱሰ ኪሪሰቶሴ ማዴ ዳቂሺያ ማዶና ያኦሲ ፔ ኮሹሞና ዒንጌ ዒንጊያና ዲላኔ።

25 ያኦሲ ዩሱሰ ኪሪሰቶሴ ጎሞ ዛሎ ዒንጎ ባኦዚ ማሂ ዒንጌሢ ዒዛ ጉሙርቃሢ ሲያ ዒዛ ሱጉያና ዔያቶሶ ጎማጋ ማኦሪንቴሢ ዴንቃንዳጉዲኬ፤ ያኦሲ ዩያ ማዴሢ ሴርታ ዓኦ ጎሞ ጊቢ ዳንዳዒሢና ባኦያ ማሂ ፔኤኮ ዲሉሞ ጎይፃ ዳዎኒኬ።

26 ሃሃኦ ዎዶና ያኦሲ ዲሎ ዎጋያ ማዒያ ዳዎሢ ዩሱሴ ጉሙርቃዘንሢ ሲያ ዲሊሲያናኬ።

27 ዓካሪ ኦኦኒ ሄርሺንታንዳ ባኦዚ ዓይጌ ዓኦይ? ዓይጎናኦ ኦ ሄርሺንታ ባኦዚ ባኦሴ፤ ኦ ሄርሺንቱዎኦሢ ዓይጎ ዛላናዳይ? ዎጎ ኦ ማዲ ከንሃሢሮዳ? ዔይዔ፤ ኪሪሰቶሴ ጉሙርቂሢ ዎጌናኬ።

28 ዩያሮ ያኦሲ ዓሲ ዲሎ ማሂ ዛጋሢ፡- ዎጌ ማዶ ከንሃሞቱዎንቴ ጉሙርቂቶ ማዒሢ ኦ ዔራኔ።

29 ያኦሲ ዓይሁዶ ዓሶ ያኦሲ ሌሊዳ? ዓይሁዶ ማዒባኦ ዓሶኮ ያኦሲቱዎዳዳ? ጎኔና ዓይሁዶ ማዒባኦ ዓሶኮዎ ያኦሲኬ።

30 ያኦሲ ፔቴኬ፤ ዓይሁዶ ዓሶ ማዔቱያ ዓይሁዶ ማዒባኦ ዓሶ ኪሪሰቶሴ ጉሙርቂሢ ዛላና ዲሊሳሢ ዒዛኬ።

31 ዓካሪ ኪሪሰቶሴ ጉሙርቂሢ ዛላና ዎጎ ኦ ባይዛኔ ጌይሢዳ? ያዲቱዎሴ! ባሺና ዎጎ ኦ ዶዲሺ ካካጋያኬ።

4

ዓብራሃሜኮ ያኦሲ ጉሙርቂያና ዲሊያ

1 ዓካሪ ኦኦኮ ዓዳሢ፡ ዓብራሃሜ «ዴንቄኔ» ኦ ጋዒሢ ዓይጌንዴዳይ?

2 ዓብራሃሜ ዎንዴ ዲሌሢ ማዶና ማዔያታቴ ዒ ሄርሺንታንዳ ባኦዚ ዴንቃንዳያኬ፤ ጋዓንቴ ዒ ያኦሲ ሴርታ ሄርሺንታኒ ዳንዳዒሰኬ።

3:22 ጋላ. 2:16። 3:30 ላሚ. ዎማ 26:4፤ ጋላ. 3:20።

3 ዓይጎሮ ጌዔቴ፦ «ዓብራሃም ያኦሲ ጉሙርቁሢሮ ጉሙርቁፃ ዒዛኮ ዒሉሞ ማዒ ፓይዲንቴኔ» ጌይንቴ ፃኦፒንቴኔ።

4 ማደ ማደ ዓሲም ማደ ዛሎ ዒንጊንታ ባካ ዒዛኮ ምልቆ ዛሎኬ፤ ጉሪ ዒንጎያቱሞሴ።

5 ዓሲ ኮሺ ባኦዚ ማደባኦያ ማዕቴያ ጎሞ ዓሶ ዒሊሳ ያኦዛሢ ጉሙርቁቶ ጉሙርቁፃ ዒሉሞ ማዒ ዒዛም ፓይዲንታንዳኔ።

6 ዓሲ ኮሺ ማደ ዛሊሮቱሞንቴ ያኦሲ ጉሪ ዒሊሳ ዓሲ ዓንጂንቴያ ማዒ ደውቴ ዔርዛዖ፦

7 «ዳቢንታ ዓቶም ጌይንቴዘንሢና ጎሞሞ ሃሾና ዓሳ ዓንጂንቴያኬ!

8 ያኦሲ ጎሞ ዒዛኮ ዓርቁባኦ ዓሢ ዓንጂንቴያኬ!» ጌዔኔ።

9 ዓካሪ ዬይ፥ ደውቴ ኬኤዜ፥ ዓንጂ ዓቲንቶ ቤርቶ ቲቁንቴ ዓሶም ሌሊሞ? ቲቁንቴባኦ ዓሶማኦ ኬኤዜይ? ቲቁንቴባኦዘንሢሢማኦ ኬኤዜኔ። ዓይጎሮ ጌዔቴ፦ «ዓብራሃም ያኦሲ ጉሙርቁሢሮ ጉሙርቁፃ ዒዛኮ ዒሉሞ ማዒ ዒዛም ፓይዲንቴኔ» ኑ ጌዔኔ።

10 ዓብራሃምኮ ጉሙርቁፃ ዒሉሞ ማዒ ፓይዲንቴሢሢ ዓይይዳይ? ዓቲንቶ ቤርቶ ቲቁንቶኮ ቤርታሞ? ጊንፃኦዳይ? ዓቲንቶ ቤርቶ ቲቁፆኮ ቤርታኬ፥ ጊንፃኦቱሞሴ።

11 ዓብራሃም ዓቲንቶ ቤርቶ ቲቁንታንዳሢኮ ቤርታ ዒዛኮ ጉሙርቁፃ ዒሉሞ ማዒ ዒዛም ፓይዲንቴሢሢ ዔርዛንዳ ማላታ ማዓንዳጉዲ ዓቲንቶ ቤርቶ ዒ ቲቁንቴኔ፤ ዬያሮ ዓብራሃም ዓቲንቶ ቤርቶ ቲቁንቴሞ ጉሙርቆዘንሢሢና ጉሙርቁፃኦ ዒሉሞ ማዒ ፓይዲንታዘንሢሢ ቢያ ዓዶኬ።

12 ዬያጉዲ ሃሢ ዓብራሃም ዓቲንቶ ቤርታ ቲቁንቴዘንሢሢኮ ሞዶኬ፤ ዓቲንቶ ቤርቶ ቲቁንቴዘንሢሢኮ ዓዶ ማዕ ጎይፃ ዔያቶኮ ዓቲንቶ ቤርቶ ቲቁንቶና ሌሊቱሞንቴ ዒዚ ዓቲንቶ ቤርቶ ቲቁንቶኮ ቤርታ ዓኦ ዒዛኮ ጉሙርቁፆጉዴያ ዔያታ ጉሙርቁሢሮኬ።

13 ዓብራሃም ፔ ዜርፆና ዓጮ ዳካላንዳያታሢ ያኦሲ ዒዛም ሃጊ ማዓንዳ ሞዛ ዒንጌኔ፤ ዬይ ሞዛ ጴዳሢ ዓብራሃም ሞጎ ኩንሢሢሢሢሢሢሢ ጉሙርቁሢሮና ጉሙርቁፃኦ ዒዛም ዒሉሞ ማዒ ፓይዲንቴሢሢሢሢ።

14 ዬያ ሃጊ ማዓንዳ ሞዘ ዴንቃንዳዘንሢሢ ሞጎ ካፓ ዓሶ ማዕቴ ጉሙርቁሢሢ ፓሡሞ ባኦዚ ማዕኔ፤ ዒንጊንቴ ሞዛኦ ጉሪ ማዕኔ ጌይሢኬ።

4:3 ማኸ. ማፃ 15:6፤ ጋላ. 3:6። 4:8 ዓይኑ. 32:1-2። 4:11 ማኸ. ማፃ 17:10። 4:13 ማኸ. ማፃ 17:4-6፤ 22:17-18፤ ጋላ. 3:29። 4:14 ጋላ. 3:18።

15 ዋጌ የኦሲ ጎሪንቲ ዔኪ ዩዓኔ፤ ዋጌ ባኣያ ማዔቶ ጋዓንቲ ዋጌኮ ቦሣ ዓኣዲ ዳቦ ዳቢንቲ ባኣያ ማዓንዳኔ።

16 ሃጊ ማዓ ዋዘኮ ዓይፃ ጉሙርቁሢኬ፤ ዩያሮ ዓብራሃሜ ዜርፃ ቢያ ዩያ ዔርቲ ዋዘ የኦሲኮ ኮሹሞ ዒንጊፆና ዴንቃንዳኔ፤ ዩይያ፡- ዋጎ ዛሎና ሂላዘንሢሞ ሌሊቱዋንቲ ዓብራሃሜጉዲ ጉሙርቁፆና ሂላንዳዘንሢሞኣ ማዓንዳኔ፤ ዓብራሃሜ ጉሙርቁፆ ዛሎና ኑና ቢያሢኮ ዓይ ማዔሢሮኬ።

17 ዩይያዲ ማዔሢ፡- «ሚርጌ ዴሬኮ ታ ኔና ዓይ ማሄኔ» ጌይንቲ ፃኣፒንቲ ጎይፆናኬ። ዩያሮ ዓብራሃሜ ጉሙርቁ የኦዛሢ፤ ሃይቁሢያ ዔቁሳሢና ባኣ ባኮዋ ዓኣያ ማዓንዳጉዲ ማሃ የኦዛሢኮ ቤርታ ሃጊ ማዓ ዋዛ ዒዛኮ ደዲኬ።

18 ዓብራሃሜ ጉሙርቁሢና ሃጊ ማዓ ዋዛ ጌሄሢ ዓይጎ ባኣዚያ ሃጊ ማዓ ዋዛ ማሆንደ ባኣዚ ባኣያይዳኬ፤ ዩያሮ፡- «ዜርፃ ኔኤኮ ዩያጉዲ ሚርጋንዳኔ» ጌይንቲ ፃኣፒንቲ ጎይፆና ሚርጌ ዴሬኮ ዒ ዓይ ማዔኔ።

19 ሌዓ ዒዛኮ ፃኤታ ሄላያ ማዔ፥ ጋርቹ ዓሲታፆ ዒዛንታ ማቾ ሳኣራንታ ጋርቹ ሾዓኒ ዳንዳዑዋኣሢ ዔሬቴያ የኦሲ ጉሙርቁፆ ዒ ሹሌዒሲባኣኬ።

20 ጉሙርቁፆና ዒዚ ደዲ የኦሲ ቦንቹያፓዓቲሞ የኦሲ ዒንጌ ሃጊ ማዓ ዋዛ፡- «ማዓያሞ ማዑዋያዳይ?» ጌይ ማሊባኣኬ።

21 ዓይጎር ጌዔቲ የኦሲ ዒዛሞ ዒንጌ ዋዘ ኩንሣኒ ዳንዳዓሢ ዒ ዔሬሢሮኬ።

22 ዓብራሃሜኮ ጉሙርቁፆ ሂሎሞ ማዒ ፓይዲንቲሢ ዩያናኬ።

23 ጋዓንቲ፡- «ሂሎሞ ማዒ ዒዛሞ ፓይዲንቲኔ» ጋዓ ቃኣላ ፃኣፒንቲሢ ዓብራሃሜሞ ሌሊቱዋንቲ፥

24 ኑማኣ ማዓያኬ፤ ጎዳ ዩሱሴ ሃይባፓ ዔቁሴ የኦዛሢ ኑ ጉሙርቁሢሮ ኑማኣ ኑ ጉሙርቁፆ ሂሎሞ ማዒ ፓይዲንታንዳኔ።

25 ዩይ ኑ ጎዳሢ፥ ዩሱሴ ኑ ጎሞሮ ሃይቢሞ ዓኣሢንቲ ዒንጊንቲሢና ኑናኣ ሂሊሳኒ ሃይባፓ ዔቁሢኬ።

5

ጉሙርቁሢና ጴዳ ኮሹሞና ዋዛና

1 ዓካሪ ኑኤኒ ሂሎሞ ዴንቁሢ ጉሙርቁሢና ማዔሢሮ ኑ ጎዳ ዩሱሴ ኪሪሰቶሴ ዛሎና የኦሲና ዋላ ኑኤኮ ኮሹሞ ዓኣኔ።

4:16 ጋላ. 3:7። 4:17 ማኸ. ማፃ 17:5። 4:18 ማኸ. ማፃ 15:5። 4:19 ማኸ. ማፃ 17:17። 4:25 ዒሲ. 53:4-5።

2 ዲዛ ዛሎና ሃሢ ኑ ዓኣ፥ ያኦሲኮ ኮሹሞ ዲንገይይዳ ጉሙርቁሢና ኑ ጌላኒ ዳንዳዔኔ፤ ያኦሲና ዋላ ቦንቲንታያ ኑ ማዓንዳሢሮ ሃገ ማዓንዳ ዋዘና ኑ ዋዛዳኔ።

3 ዬያና ሌሊቱዋንቴ ኩኩኮ ሜታሢናኣ ኑ ዋዛዳኔ፤ ዓይጎር ጌዔቶ ሜቶይዳፓ ደዲሞ ጴዳያታሢ ኑ ዔራኔ፤

4 ደዲሢ ሜቶ ዳንዳዔያ ማዔሢ ዔርዛኔ፤ ዬካፓ ሃገ ማዓንዳ ዋዛ ጴዳኔ።

5 ኑሞ ዲንገንቴ ዓያኖ ጌኤኮ ዛሎና ያኦሲ ናሹማ ዒና ኩኩኮ ሚርጌና ዓኣሢሮ ዒ ሃሢ ዲንጌ ሃገ ማዓንዳ ዋዛ ኑና ቦርሲሱዋሴ።

6 ቤርታ ኑ ላቤያ ማዒ ዓኣንቴ ያኦሲ ማሊ ጌሢ ዋደና ኪሪሰቶሴ ጎሞ ዓሶ ዛሎ ሃይቄ።

7 ጂሎ ዓሲ ዛላር ጌዒ ሃይቃንዳ ዓሲ ዳንቃኒ ሚርጌ ሜቶኬ፤ ጋዓንቴ ኮሺ ዓሲ ዛላ ሃይቃኒ ጫርቃይ ጎዖንቴ ጴዳንዳያ ናንዳኔ።

8 ጋዓንቴ ኩኩኒ ጎሜናታንቴ ኪሪሰቶሴ ኑ ዛሎ ሃይቄ፤ ዬይያ፡- ያኦሲ ኑና ናሸካ ናሹማ ኮሺ ዴኤፒ ማዔሢ ዔርዛኔ።

9 ዓካሪ ኩኩኒ ጂሌሢ ዬሱሰ ኪሪሰቶሴ ሱጉያ ዛሎና ማዔቴ፥ ባሼና ያኦሲ ጎሪንታፓ ኑ ዓታንዳሢ ዲዛ ዛሎናኬ።

10 ኩኩኒ ያኦሲና ሞርኬ ማዒ ዓኣያ ዲዛኮ ናዓሢ ሃይቦና ዲዛና ዋላ ኑ ቡኩኔ፤ ሃሢያ ኩኩኒ ያኦሲና ዋላ ቡኩሢኮ ጊንፃ ዲዛኮ ናዓሢ ናንጎ ዛሎና ባሼ ኑ ዳቃንዳኔ።

11 ዬያ ሌሊቱዋንቴ ኑና ቡኩሴ፥ ዬሱሰ ኪሪሰቶሴ ዛሎና ያኦሲ ማዴ ባኮር ኑ ዋዛዳኔ።

ሃይቢ ዓዳኣሜና ናንገ ኪሪሰቶሴና ሙኪያ

12 ፔቴ ዓሲ ዛላና ጎሜ ዓጮ ጌሌም፥ ጎሜ ዛላና ሃይቢ ሙኩኔ፤ ዬይያ፡- ዓሲ ቢያ ጎሜ ማዴሢሮ ሃይቢ ዓሲ ቢያ ሄሌኔ።

13 ዋይቲ ጌዔቴ ሙሴኮ ዓሶ ዋይሦ ዋጋ ዲንገንታንዳሢኮ ቤርታ ጎሜ ዓጫ ዓኣኔ፤ ማዔቴያ ዋጌባኣ ዋደና ጎሜ ጎሜኬ ጌይንቴዋሴ።

14 ጋዓንቴ ዓዳኣሜጉዲ ዋጌ ዳቢ ጎሜ ማዲባኣዘንሢያ ዓይሱዋዖ፥ ሃይቢ ዓዳኣሜፓ ዓርቁ ሙኪ ሙሴ ሄላንዳኣና ዓሲ ቢያይዳ ቢታንቶ ዳንቄ።

ዬይ ዓዳኣሜ ሃገ ሙካንዳ ኪሪሰቶሴኮ ማላታ ማዔኔ።

15 ጋዓንቴ ያኦሲኮ ኮሹሞ ዲንገፃ ዓሢኮ ጎሞይዳፓ ባሼኬ፤ ፔቴ ዓሲ ጎሜ ዛላና ሚርጌ ዓሲ ሃይቄሢጉዲ ያኦሲኮ ኮሹሞ ዲንገያ ማዔ፥ ፔቴ ዬሱሰ ኪሪሰቶሴ ዛሎና ጴዴ ዲንገያ ሚርጌ ዓለም ዑሣ ዓኣሢ ዲንገንቴ።።

5:12 ማኸ. ማፃ 3:6።

16 ይያጉዱ ያኦሲኮ ኮሹሞ ዲንጊያኮ ዓኣፓ ዓሢኮ ጎሞ ዓኣፓፓ ባሼኔ፤ ፔቴ ዓሲ ጎሜ ዛላ ዲንጊንቴ ዎጌ ሜቶ ዔኪ ሙኬኔ፤ ሚርጌ ጎሞ ዛሎና ዲንጊንቴ ያኦሲ ኮሹሞ ዲንጊያ ጋዓንቴ ዒሉሞ ዔኪ ሙኬኔ።

17 ፔቴ ዓሲ ዳቢንቴ ዛላና ሃይቢ ዓሲ ቢያይዳ ቢታንቶ ዳንቄ፤ ጋዓንቴ ይያፓ ዬሱስ ኪሪስቶሴ ማዳሢ ባሼኬ፤ ዬይያ፡- ፔቴ ዬሱስ ኪሪስቶሴ ዛሎና ያኦሲኮ ሚርጌ ኮሹሞ ዲንጊያ ዳንቄ ዒሌ ዓሳ ቢያ ሃይቢ ባሺ ናንጊና ናንጋንዳ።

18 ዓካሪ ፔቴ ዓዳኣሜ ጎማ ሜቶ ዎጌ ዓሲ ቢያይዳ ዔኪ ሙኬያ ማዔቴያ፡ ፔቴ ኪሪስቶሴኮ ዒሉሞ ማዳ ሚርጌሢ ሜቶይዳፓ ኬሲ ናንጊ ዲንጋንዳ።

19 ዓዳኣሜኮ ዓይሢንቴዎፖ ዓቲያ ዛሎና ሚርጌ ዓሳ ጎሜና ማዔሢጉዲ፡ ኪሪስቶሴኮ ዓይሢንቴያ ዛሎና ሚርጌ ዓሳ ዒላንዳ።

20 ዎጌ ሙኪያና ዳቢንቴ ሚርጌ፤ ጋዓንቴ ዳቢንታ ሚርጌሢዳፓ ያኦሲኮ ኮሹሞ ዲንጊያ ዑሣ ዓኣዳ ሚርጌ።

21 ዬይ ያዲ ማዔሢ ጎሜ ሃይቢ ዛላና ካኣታዳሢጉዲ ያኦሲኮ ኮሹሞ ዲንጊያ ኑ ጎዳሢ ዬሱስ ኪሪስቶሴ ዛሎና ጴዳ ናንጊና ናንጊ ዒሉሞ ዔኪ ሙኪሢና ካኣታዳንዳጉዲኬ።

6

ጎሜይዳፓ ሃኪ ኪሪስቶሴና ናንጊሢ

1 ዓካሪ ኑ ዎዚ ጎፖንዶይ? ያኦሲኮ ኮሹሞ ዲንጊያ ኑሞ ሚርጋንዳጉዲ ጎሜ ማዳ ማዳ ናንጎንዶ?

2 ፔቴታያ ዬይ ኮይሱሞሴ! ኑኡኒ ሃይቢና ዲማዳሢጉዲ ጎሜይዳፓ ዲማዳፖ ጊንሣ ዎይቲ ኑ ጎሜ ማዳ ማዳ ናንጋንዳይ?

3 ዬሱስ ኪሪስቶሴና ዎላ ፔቴ ማዓኒ ኑ ዎኣያ ማስቲ ዓሳ ቢያ ዒዛኮ ሃይቢና ፔቴ ማዓኒ ዎኣያና ማስቲሢ ዲንሢ ዔራዎዳዳ?

4 ዎኣያ ማስቲያና ዒዛና ዎላ ኑ ዲኡቲ ዎዶና ዒዛና ዎላ ኑ ሃይቄያ ማዔኔ፤ ዬያሮ ኪሪስቶሴ ዓዶኮ ቦንቾና ሃይባፓ ዔቄሢጉዲ ኑኡኒያ ዓኪ ናንጊ ናንጋ።

5 ኑኡኒ ሃይቄ ዒዛና ዎላ ፔቴ ማዔቲ፡ ሃይባፓ ዔቄያና ዒዛና ዎላ ኑ ፔቴ ማዓንዳ።

6 ኑኡኮ ቤርታኣ ናንጋ ላኣሚንቴሞ ጎሜኮ ካራሚ ማዔያ ዓታንዳጉዲ ቤርታኣ ናንጋ ኑኡኮ ኪሪስቶሴና ዎላ ሱዒንቴሢ ኑ ዔራፎ።

7 ጎሜኮ ሃይቄ ዓሲ ዑሰካ ቢታንቶ ባኣሴ።

6:4 ቆላ. 2:12።

8 ዓካሪ ኑኑኒ ከሪስቶስና ዋላ ሃይቄቴ ዒዛና ዋላ ናንጊና ናንጋንዳሢ ኑ ጉሙርቃኔ፤

9 ከሪስቶስ ሃይባፓ ዔቄሢሮ ላሚ ሃይቄንዲዋአሢና ሃይቢኮዋ ዒዛይዳ ቢታንቶ ባአሢ ኑ ዔራኔ።

10 ዒዚ ሃይቄ ዋዶና ጎሜኮ ዒዛ ዑፃ ቢታንቶ ባአያ ማዓንዳጉዲ ጋፒንሢ ፔቴና ዒ ሃይቄኔ፤ ሃሢ ዒ ሸምፔና ማዒ ናንጋሢ ያኦሲምኬ።

11 ዓካሪ ሃሢ ዒንሢዳ ጎሜኮ ቢታንቶ ባአሢና ዬሱስ ከሪስቶስ ዛሎና ያኦሲም ሸምፔና ዓአያ ማዒ ዒንሢ ናንጋያታሢ ማሉዋቴ።

12 ዬያሮ ጎሜ ፔኤኮ ፑርቶ ማሊያ ዒንሢ ኩንሢሱዋጉዲ ዒንሢኮ ሃይቃ ዑያይዳ ጎሜ ቢታንታንዳጉዲ ማሂፖቴ፤

13 ዒንሢኮ ዲማ ዲማ ዑያ ፑርታ ባአዚ ማዳያ ማሂ ጎሜም ዒንጊፖቴ፤ ጋዓንቴ ሃይቢፓ ዒንሢ ዔቄ ጎይያና ዒንሢ ያኦሲም ዒንጉዋቴ፤ ሃሢ ዒንሢኮ ዲማ ዲማ ዑያዋ ቢያ ዒሎ ማዳ ማዳንዳጉዲ ያኦሲም ዒንጉዋቴ።

14 ዓይጎር ጌዔቴ ሃሢ ዒንሢ ናንጋሢ ያኦሲኮ ኮሹዋ ዒንጊያ ዴማ ማዓንዳኢፓዓቴም ዋጌ ዴንካቴዋአሢሮ ጎሜ ዒንሢ ዋይሢ ኮይሱዋሴ።

ዒሉዋ ካራሚ ማዒሢ

15 ዓካሪ ኑ ዋዶንዶይ? ዋጌ ዴማ ማዒያ ዓቴም ያኦሲኮ ኮሹዋ ዒንጊያኮ ዴማ ኑ ማዔያታሢሮ ጎሜ ኑ ማዳም ጌይሢዳ? ዬይ ፔቴታያ ማዓዓከ!

16 ፔቴ ዓሲም ዒንሢ ማዳኒ ዓይሢንታአና ዬያ ዒንሢ ዓይሢንታ ዓሢም ካራሚ ማዒሢ ዒንሢ ዔራኔ፤ ዬያጉዲ ጎሜም ዒንሢ ዓይሢንቴቴ ሃይቢ ዔከ ሙካ፣ ጎሜኮ ካራሚ ዒንሢ ማዓንዳኔ፤ ያኦሲም ዓይሢንቴቴ ጋዓንቴ ዒሉዋ ዒንሢ ዴንቃንዳኔ።

17 ዒንሢ ቤርታ ጎሜኮ ካራሚኬ፤ ሃሢ ጋዓንቴ ዋይዚ ዔኬ ዔራቶም ዒናፓ ዒንሢ ዓይሢንታሢሮ ያኦሲ ጋላታ ሂሎንጎ።

18 ጎሜ ካራሙዋይዳፓ ኬሰከ ዒሉዋኮ ካራሚ ዒንሢ ማዒ።

19 ታኣኒ ሃያ ዒንሢም ዔርታንዳ ጎይሢና ኬኤዛሢ ዒንሢኮ ማሊያ ላቤያታሢሮኬ፤ ሃያኮ ቤርታ ዒንሢኮ ዑያ ዒአቴ ባአዚና ፑርታ ማዳናም ማሂ ዒንሢ ዒንጌሢጉዲ ሃሢ ዒንሢኮ ዲማ ዲማ ዑያ ያኦሲም ዲማዴያ ማዓንዳጉዲ ዒሉዋኮ ካራሚ ማሂ ዒንጉዋቴ።

20 ዒንሢ ጎሜኮ ካራሚ ማዒ ዓአ ዋዶና ዒሉዋም ዒንሢ ማዳንዳሢ ዒንሢም ዔርቱባአያኬ።

21 ሂዳዎ ዬኖ ዎዶና ዓይጎ ዒንሢ ፓሣ ባኣዚ ዴንቁይ? ሃሢ ዒንሢ ቦርሲሳ ባኮይዳፓ ዓታዛ፥ ዓይጎዎ ፓሣ ባኣዚ ዒንሢ ዴንቁባኣሴ፤ ዬያ ባኮኮ ጋፒንፃ ሃይቢኬ።

22 ሃሢ ጋዓንቴ ጎሜኮ ካራሙሞይዳፓ ዒንሢ ኬሰኪ ያኦሲ ካራሚ ማዔሢሮ፥ ያኦሲም ዲማዳያ ዒንሢ ማዓንዳኔ፤ ያኦሲም ዲማዲያኮዎ ጋፒንፃ ናንጊና ናንጊኬ።

23 ዓይጎሮ ጌዔቴ ጎሜይዳፓ ጴዳ ባኣዚ ሃይቢኬ፤ ያኦሲዳፓ ዒንጊንታ ዒንጊፃ ጋዓንቴ ኑ ጎዳሢ፥ ዬሱስ ኪሪሰቶሴ ዛሎና ጴዳ ናንጊና ናንጊኬ።

7

ዔፒና ኮኦኪንሦና ባኣዚ

1 ታ ዒሾንሦ! ታ ሚሾንሦ! ቢያሢ ዒንሢ ዎጌ ዔራያታሢሮ ዎጌ ዓሲዳ ቢታንቶ ዴንቃሢ ዓሲ ሼምፖና ዓኣ ዎዶማና ሌሊታሢ ዒንሢ ዔራኔ።

2 ኮኦኪንሢና፡- ፔቴ ሎዔ ላኣሊ ዓኒና ዎላ ሸምፔና ናንጋ ዎዶይዳ ዒዛና ዎላ ዎጌና ቱኡቴያኬ፤ ዓኒ ዒዛኮ ሃይቁቶ ጋዓንቴ ዒዛ ቱኡቴ ዎጎይዳፓ ኬሰኪያ ማዓኔ።

3 ዬያሮ ዓኒ ዒዛኮ ሸምፔና ዓኣንቴ ሜሌ ዓቲንቁም ዒዛ ሎዔቴ ዓኒ ማዒባኣያና ላሄኔ ጌይንታኔ፤ ዓኒ ሃይቁቶ ጋዓንቴ ዒዛና ዎላ ዒዛ ቱኡቴ ዎጎይዳፓ ኬሰኪያኬ፤ ሜሌ ዓሲም ዒዛ ሎዔቴ ዓኒ ማዒባኣያና ላሄኔ ጌይንታዓኬ።

4 ዒሾንሢዮቴ! ዒንሢ ባካ ዬያጉዴያኬ፤ ዒንሢ ኪሪሰቶሴ ዑያኮ ዲማ ዲማ ቤዛ ማዔሢሮ ሃይቢና ዲማዲሢጉዲ ሙሴ ዎጋፓ ዒንሢ ዲማዲኔ። ዬያሮ ያኦሲ ማዳም ዓኣፒ ኑ ዓኣፓንዳጉዲ ሃይቦይዳፓ ዔቁ፥ ኪሪሰቶሴሮ ዒንሢ ማዔኔ።

5 ዎይቲ ጌዔቴ ጎሞ ማሊያና ኑ ናንጋ ዎዶና ዎጎ ዛሎና ማዲንታ ፑርቶ ማሊፃ ሃይቢ ዓኣፒ ኑ ዓኣፓንዳጉዲ ኑኡኮ ዲማ ዲማ ዑያይዳ ማዲኔ።

6 ሃሢ ጋዓንቴ ቤርታ ቱኪ ኑና ዓኣ ዎጎይዳፓ ሃይቢና ዲማዲሢጉዲ ኑ ዲማዳያ ማዔሢሮ ዎጎ ቱኡዛፓ ኑ ኬሰኪኬ። ዬያሮ ሃካፓ ሴካ ኑኡኒ ማዲሢ ዓኪ ማዔ ዓያና ዓይሢያጉዲኬ፤ ሚና ቤርታ ፃኣፒንቴ ጨንቁ ዎጋ ዓይሢሢ ጎይያቱዎሴ።

ዎጌና ጎሜና ዛላ

7 ዓካሪ ኑ ዎዚ ጎፖንዶይ? ዎጌ ፔ ቶኦኪና ጎሜኬ ጌይሢዳ? ፔቴታዎ ያዲቱዎሴ! ጋዓንቴ ጎሜ ዓይጎ ማዔቴያ ታ ዔራንዳጉዲ ማሄሢ ዎጌኬ። ዎይቲ ጌዔቴ ዎጋ፡- «ዓሲሮ ዛጊ ሱኡካዲፖ»

ጌባባኢያታቱ፡ «ሱኡካዲህ» ዓይነታቱያ ታ ዔሪንዲዋያታንቴኩ።

8 ጎሜ ሱኡኩ ቢያ ታ ሱኡካዲንዲጉዲ ማህህ ዋጌይዳፓ ሙኩ ዓይህያ ዛሎናኩ፤ ዋጌባኦቶ ጋዓንቴ ጎሜ ሃይቄ ባኦዚኩ።

9 ዋጌ ታ ናንጎይዳ ሃጊ ቢታንቶ ዴንቁባኦንቴ ዋጎኮ ዓይህያ ታ ዔሪ-ዛ ጎሜ ሽምፖ ዴንቁኔ፤

10 ታኦኒ ሃይቁኔ፤ ናንጊና ናንጊ ዒንጋንዳጉዲ ዒንጊንቴ ዋጎኮ ዓይህያ ታኦም ሃይቢ ዔኪ ሙኩኔ።

11 ዋይቲ ጌዔቴ ዋጌኮ ዓይህያ ዛሎና ጎሜ ካራ ዴንቁ ታና ጌሽ ዓይሥህና ዋዳኔ።

12 ዬያሮ ዋጌ ያኦሲም ዲማዴያኩ፤ ዓይሥህያ ዲማዴያ፡ ጌኦሽ ሃሃ ኮሽኩ።

13 ሂዳዎ ዬይ ኮዠ ባካ ታኦም ሃይቢ ዔኪ ሙኩኔ ጌይህዳ? ያዲቱዋሴ! ሃይቢ ታኦም ዔኪ ሙኩ ባካ ጎሜኩ። ጎሜ ዓይነታቱያ ዔርታንዳጉዲ ኮሽ ማዔ ባኩሎ ካራ ማሂ ዬይ ሃይቢ ታኦም ዔኪ ሙኩኔ። ዬያሮ ጎዋኮ ፑርቱማ ዔርታህ ዋጌኮ ዓይህያ ዛሎናኩ።

ዓሲ ናንጊዳ ዓኦ ማሹምቦ

14 ዓካሪ ዋጌ ዓያና ባኦዚ ማዔህ ኑ ዔራኔ፤ ታኦኒ ጋዓንቴ ጎሜኮ ካራሚ ማዓኒ ሻንቹንቴያ፡ ጎሜ ማሊህ ታና ዋይህያኩ።

15 ታኦኒ ማዳ ባኮ ታ ዔራዋሴ፤ ዓይጎር ጌዔቴ ናሽካ ባኮ ታ ሃሺ፡ ታ ዒያ ባኮ ማዳኔ፤

16 ዓካሪ፤ ታኦኒ ማዳህ ታ ኮዑዋ ባኦዚ ማዔቴ ዋጌ ኮሽ ማዔህ ታ ማርካዳኔ።

17 ታ ማዳኒ ኮይሱዋ ባኮ ማዳህ ታ ጊደይዳ ዓኦ ጎዋ ማዓንዳኦፓዓቴም ታናቱዋሴ።

18 ታ ጊደይዳ ሃሃ ታኦኮ ጎዋ ማሊያይዳ ዓይጌያ ኮሽ ባኦዚ ባኦህ ታ ዔራኔ፤ ዓይጎር ጌዔቴ ዓይጎ ኮሽ ባኦዚ ታ ማዳኒ ማላቶዋ ዬዩ ኮዠ ማዴሎ ታ ማዳኒ ዳንዳዑዋኦህርኩ።

19 ማዳኒ ታኦም ኮይሳ ኮዠ ማዳ ታ ማዳቱሴ፤ ጋዓንቴ ታ ኮዑዋ ፑርታ ማዳ ታ ማዳኔ።

20 ዓካሪ ማዳኒ ታኦም ኮይሱዋ ፑርቶ ማዳ ማዳያ ታ ማዔቴ ዬያ ማዳህ ታ ጊደይዳ ዓኦ ጎዋ ማዓንዳኦፓዓቴም ታናቱዋሴ ጌይህኩ።

7:7 ኩሲ. ማፃ 20:17፤ ላሚ. ዋማ 5:21። 7:11 ማዢ. ማፃ 3:13። 7:15 ጋላ. 5:17።

21 ይያር ፔቴ ዋጌ ማዲ ማዲ ዓኣሢ ታ ዛጋኔ፤ ወይቲ ጌዔቴ ታ ኮሺ ባኣዚ ማዲኒ ኮዓ ዋዶና ፑርታ ባኣዚ ሌሊ ማዲንታኔ።

22 ታኣኮ ጋር ዒና ጋዓንቴ ያኦሲ ዋጎና ዋዛዳኔ።

23 ማዔቴያ ታኣኮ ማሊያ ዋጎና ዋላ ካኣሞ ዒዲ፣ ታኣኮ ደማ ደማ ዑያይዳ ማዲ ጎሞ ዋጎና ደዒንቴያ ታና ማሃ ሜሌ ዋጌ ታ ጋራ ዓኣሢ ታ ዛጋኔ።

24 ይያር ታ ዋዚጉዴ ላኣፓ ዓሲዳይ! ሃያ ታና ሃይቢሞ ዔኪ ዴንዳ ዓሽኮይዳፓ ያ ታና ዓውሳንዳይ?

25 ያኦሲሞ ጋላታ! ዩሱስ ኪሪሰቶሴ ዛሎና ይያ ዒ ማዴሢር።

ዓካሪ ታኣኒ ማሊያና ያኦሲ ዋጌሞ ዋርቃያ ማዓዛ፣ ጎሞ ማሊያና ጋዓንቴ ጎሜ ዋጌሞ ዋርቃያ ታ ማዓኔ።

8

ዓያና ጌኤሺና ጴዳ ናንጊ

1 ዓካሪ ሃሢ ዩሱስ ኪሪሰቶሴና ፔቴሞ ዓኣዞንሢ ናንጊና ፑርታ ዋጌና ዋጊሳ ባኣዚ ባኣሱ።

2 ዓይጎር ጌዔቴ ዩሱስ ኪሪሰቶሴ ዛሎና ናንጊ ዒንጋ ዓያና ጌኤሺ ዋጌ፡- ጎሜና ሃይቢ ዋጌናኮ ዓይላቶይዳፓ ታና ኬሴኔ።

3 ዓሲኮ ላቤ ማሊያይዳፓ ዔቄያና ዋጋ ኦና ዲሊሳኒ ዴንዳዒ ባኣታንቴ ያኦሲ ማዴኔ፤ ያኦሲ ፔ ናፖ ኦና ጎሞ ዓሶ ማሊሲ ኦ ጎሞ ዛሎ ዳኪ ኦኡኮ ጎሞ ማሊያ ናንጊና ዋጊ ባይዜኔ።

4 ይያ ዒ ማዴሢ ዓሲ ማሊሢናቱዋንቴ ዓያና ማሊሢና ሃንታ ዓሶ፣ ኦጊዳ ፒዜ ማዔ ዋጎ ዓይሢያ ማዲንቲ ኩማንዳጉዲኬ።

5 ዓሲ ማሊሢና ናንጋዞንሢ፡- ዓሲ ባኣዚ፤ ዓያና ማሊሢና ናንጋዞንሢ ጋዓንቴ ዓያና ባኣዚ ማላኔ።

6 ዓሲ ባኣዚ ማሊሢ ሃይቢ ዔኪ ሙካኔ፤ ዓያና ባኣዚ ማሊሢ ጋዓንቴ ሸሞፖና ኮሹሞና ዒንጋኔ።

7 ዓይጎር ጌዔቴ ዓሲ ባኣዚ ዛላ ማላ ዓሲ ያኦሲ ዋጌሞ ዓይሢንቱዋያ ሃሃ ዓይሢንታኒያ ዳንዳዑዋያ፣ ያኦሲኮ ሞርኬ ማዓኔ።

8 ዓሲ ማሊሢ ማሊ ሃንታዞንሢ ያኦሲ ዋዛሳኒ ዳንዳዑዋሴ።

9 ዒንሢ ጋዓንቴ ያኦሲኮ ዓያና ዒንሢዳ ዓኣቶ ዓያናና ማዓንዳፓዓቱሞ ዓሲ ማሊሢና ዒንሢ ናንጋዓኬ፤ ኪሪሰቶሴ ዓያና ባኣ ዓሲ ኪሪሰቶሴ ዓሲቱዋሴ።

10 ኪሪሰቶሴ ዒንሢ ጋራ ማዔቴ፣ ዋዚ ዒንሢኮ ዑያ ጎሜ ዛላና ሃይቃያ ማዔቴያ ያኦሲ ዒንሢ ዲሊሴሢር ዓያና ዒንሢኮ ናንጊና ናንጋያኬ፤

11 ዩሱፊ ሃይባፓ ዔቂቤ፣ ያኑሲ ዓያና ዒንሢዳ ዓኣቶ ዩሱፊ ኪሪሰቶሴ ሃይባፓ ዔቂቤ፣ ያኑዛሢ ዒንሢዳ ናንጋ ዓያኖ ዛሎና ዒንሢዳ ሃይቃ ዑዎም ሸምፖ ዒንጋንዳ።

12 ዩያሮ ታ ዒሾንሦ! ታ ሚሾንሦ! ኑኡኒ ናንጋኒ ኮይሳ ጎይሢ ዓኣኔ፤ ዩና ኮይሳ ጎይፆላ ዓሲ ማለሢና ኑ ናንጋንዳጉዲቱዋሴ።

13 ዓሲ ማለሢ ማሊ ዒንሢ ናንጋያታቱ ሃይቃንዳ፤ ዓያና ጌኤሺ ዋልቁና ዓሲ ማለሢ ማዶ ዒንሢ ባሼቱ ጋዓንቴ ሸምፖና ዒንሢ ናንጋንዳ።

14 ያኑሲ ዓያና ዓይሢ ጎይፆ ዓኣዳዘንሢ ሲያ ያኑሲ ናይኬ።

15 ዩያሮ «ዓዴ» ጌይ ዒንሢ ዔኤላንዳ ያኑሲ ናይ ማሃ ዓያና ዒንሢ ዔኬኔ፤ ጊንሢ ዒጊቹሞና ናንጋኒ ካራሙሞ ዓያና ዒንሢ ዔኪባኣሴ።

16 ያኑሲ ዓያና ኑ ዓያኖና ዋላ ማዒ ያኑሲ ናይ ኑኡኮ ማዒፆ ኑም ማርካዳ።

17 ዓካሪ ኑኡኒ ያኑሲ ናይ ማዔያታቱ ኪሪሰቶሴና ዋላ ዩያ ሃጊ ማዓንዳ ዋዛ ሲያ ኑ ዴንቃንዳ፤ ሃሢ ኑ ኪሪሰቶሴ ሜታዴ ሜቶ ዔካያ ማዔቱ ሃጊ ዒዛና ዋላ ኑ ቦንቹንታንዳ።

ሃጊ ሙካንዳ ቦንቾ

18 ኑኡኮ ሃሃኣ ዋዶ ሜታሢ ሃጊ ኑም ጴዳንዳ ቦንቾና ዋላ ቤቂሦዛ ኮሺ ዳካኬ ታ ጋዓ።

19 ማዢንታ ሲያ ያኑሲኮ ናኣታ ፔጋዲ ጴዳንዳሢ ዴኤፒ ማለሢ ጌሢ ካፓ።

20 ማዢንታ ሲያ ዔኤቢ ፓሡሞ ባኣዚ ማዓንዳጉዲ ናንጊና ዔያቶይዳ ዋጊንቴ፤ ዩይያ፡- ማዢንታ ፔ ማለሢናቱዋንቴ ያኑሲ ማለሢና ማዔ፤ ማዔቲያ ዩይ ሃጊ ማዓንዳ ዋዛ ዔያቶም ዓኣኔ፤

21 ዩይ ሃጊ ማዓንዳ ዋዛ ማዢንታ ፔ ቶኦኪና ባይሲንታ ካራሙሞይዳፓ ኬሰኪ፣ ያኑሲ ናኣቶና ዋላ ካራሙሞ ባኣያ ቦንቾ ናንጊ ናንጋንዳጉዲኬ።

22 ማዢንታ ሲያ ሃኖ ሄላንዳኣና ሾይቹ ባኒሢ ሜታሳ ሜቶጉዴያና ሜታዲሢዳ ዓኣሢ ኑ ዔራሬ።

23 ጋዓንቴ ሜታዲያይዳ ዓኣሢ ማዢንቶ ሌሊቱዋንቴ ቤርታዲ ዓያኖ ጌኤዢ ዒንጊንቴም ዔኬ ዓሳ፣ ኑኡኒያ ያኑሲ ናይ ማዔሢ ዒዚ

8:11 1ቆሮ. 3:16። **8:15** ማር. 14:36፤ ጋላ. 4:6። **8:17** ጋላ. 4:5-7።
8:20 ማዢ. ማፃ 3:17-19።

ፔጋሳንዳ ከሎ ሃጊ ማዕንዳ ዎዛና ካፒ ካፒ ኑኡኮ ጋሮ ማሊያና ኑ ማታዲሢዳ ዓኣኔ፤ ዩካፓ ኑኡኮ ዓይሌ ማዲያ ዓታጋንዳኔ።

24 ዓይጎሮ ጌዔቴ ኑኡኒ ዳቄሢ ዩያ ሃጊ ማዕንዳ ዎዛናኩ። ጋዓንቴ ዩይ ዎዛ ኑ ማሄ ባካ ጴዳ ባኣዚ ማዔቴ ሃጊ ማዕንዳ ዎዛ ዎዛ ማዲያ ዓቴኔ ጌይሢኩ፤ ጴዳ ባኣዚ ያኑኒ «ሃጊ ማዕንዳ ዎዛኩ» ጋዓንዳይ?

25 ጴዳዎ ባኣዚ ሃጊ ማዕንዳ ዎዛ ኑ ማሃያ ማዔቶ ገቢ ዳንዳዓሢና ኑ ካፓንዳኔ።

26 ዎያይዲ ሺኢቃኒ ኑም ኮይሳቴያ ኑ ዔሩዎኣሢሮ ዓያና ጌኤሺ ኑ ላቤ ዎዶና ኑና ማኣዳኔ፤ ገንሣ ሃሣ ሃያኩ ጌይ ከኤዚንቱዎ ጎይሢና ማታዲ ማሊ ኑ ሺኢጲያ ያኑሲም ሺኢሻኔ።

27 ዓሲኮ ዒና ዴንቃ ያኑሲ፣ ዓያኖ ጌኤዠኮ ማሊያ ዓይጎ ማዔቴያ ዔራኔ፤ ዎይቲ ጌዔቴ ዓያኖ ጌኤዠ ያኑሲም ዲማዴ ዓሶኮ ሺኢጲያ ያኑሲም ሺኢሻሢ ያኑሲ ማሊያጉዴያታሢሮኩ።

28 ያኑሲ ዒዛ ናሽካዘንሢና ዒዛኮ ማሊያጉዴያ ዔኤሊንቴ ዓሶም ያኑሲ ቢያ ባኣዚ ኮይሳያ ማሃ ማዳሢ ኑ ዔራኔ።

29 ዓይጎሮ ጌዔቴ ያኑሲ ናዓሢ ሚርጌ ጌርሲንሢኮ ባኣካ ቶይዲ ማዕንዳጉዲ ያኑሲ ቤርታዲ ዶኑሬዘንሢ ዒዛኮ ናዓሢ ማላንዳጉዲ ጌዔሢሮኩ።

30 ቤርታዲ ዒዚ ማሌዘንሢ ዔኤሌኔ፤ ዔኤሌዘንሢ ሃሣ ዒሎ ማሃ ዛጌኔ፤ ዒሎ ማሃ ዒ ዛጌዘንሢ ቦንቺሴኔ።

ያኑሲ ናሹዎ

31 ዓካሪ ሃያ ባኮ ዛሎ ኑ ዎዚ ጎያንዳይ? ያኑሲ ኑኡና ዎላ ማዔቴ ያ ኑና ዒዒ ማካኒ ዳንዳዓይ?

32 ፔኤኮ ፔቴ ናዓሢ ሚጨንቱዎ? ክሎሮ ዓኣሢ ዒንጌ ያኑዛሢ ቢያ ባኣዚ ኑም ዒንጋንዳሢ ዔርቴያኩ።

33 ያኑሲ ዶኑሬዘንሢ ያኑኒ «ዳቤያኩ» ጋዓኒ ዳንዳዓይ? ዒሎ ማሃ ዛጋሢ ዒዛኩ።

34 ዩያሮ ዔያቶይዳ «ዔያታ ዳቤያኩ» ጌይ ዎጋንዳሢ ያናዳይ? ዩሱስ ኪሪስቶሴ ዔያቶይዳ ዎጋንዳ? ዒዚ ዔያቶይዳ ዎገንዲዎሴ፤ ዓይጎሮ ጌዔቴ ዒዚ ኑ ጋይቴ ሃይቁ፣ ሃይቢፓ ዔቁ ያኑሲኮ ሚዛቆ ዛላ ዴዒ ኑ ሺኢጲያ ያኑሲም ሺኢሻሢሮኩ።

35 ዓካሪ ኪሪስቶሴ ናሹዎይዳፓ ዓይጌ ኑና ዲማሳንዳይ? ማቶታቴያ፣ ኮሺ ዑሣ ዓኣዴ ማቶታቴያ፣ ዒዒ ዳውሲሢታቴያ፣

8:23 2ቆሮ. 5:2-4።

ናይዚታቲያ፡ ካሎታቲያ፡ ዎዳንዳ ባኣዚታቲያ፡ ጨንቻ ዓፓሮና ዎዳያታቲያ ኑና ዲማሲንዲቀሴ።

36 ዬይያ፡-

«ኔ ጋይቲ ጌዒ ቢያ ከለና ሃይቢና ኑ ያልታኔ፤

ሹከንታ ማራይጉዲ ኑ ማዔኔ»

ጌይንቲ ፃኣፒንቲሢጉዲኤ።

37 ዓካሪ ኑና ናሽከ፡ ኪሪሰቶሴ ዛሎና ዬንሢ ባኮንሢ ቢያ ባሺያና ዎልቆሮንሢዲፓ ቢያ ኑ ባሻያኤ።

38 ዬያሮ ሃይቢ ማዔቲያ ናንጊ፡ ያኦሲ ኪኢታንቸ ማዔቲያ ፑርታ ዓያና፡ ሃሢ ዓኣ ባኣዚታቲያ ሃጊ ሙካንዲያ፡ ዓይጎ ዎልቁ ማዔቲያ፡

39 ጳጉሞ ማዔቲ ሂርኩሞ፡ ዓይጎ ማዢንቲ ማዎም ኑ ጎዳሢ ዬሱሰ ኪሪሰቶሴ ዛሎና ኑም ጴጴ ያኦሲ ናሹሞይዲፓ ኑና ዲማሳኒ ዲንዳዓ ዓይጎ ባኣዚያ ባኣሢ ጎኔና ኑ ዔራኔ።

9

ያኦሲ ዒሰራዔኤሌ ዳሮ ደኦሪያ ማዒያ

1 ታኣኒ ኪሪሰቶሴ ዓሲታሢሮ ጎኔ ከኤዛፓዓቲም ሉኡቁዎሴ፤ ዓያና ጌኤሽ ዔኪ ዓኣዳ፡ ታኣኮ ጋሮ ዒና ታ ሉኡቁዎኣሢ ታኣም ማርካዳኔ።

2 ጴጌፒ ያዩሢና ጋፑዎ ማሊሢና ታኣኮ ዒና ዓኣኔ፤

3 ታኣኮ ዓሸኮ ዒጊሮ ማዔ፡ ታ ፃፆ ዛሎሮ ኪሪሰቶሴይዲፓ ዲማዴም ያኦሲ ጋዳማ ታና ሄላቶ ቃራታዎኤ።

4 ዒሰራዔኤሌ ዓሳ ያኦሲኮ ደኦሪንቲ ዳሪከ፤ ያኦሲያ ዔያቶ ፔ ናይ ማሄኔ፤ ፔ ቦንቸዎ ዔያቶም ዳዌኔ፤ ጨኣቁሞዎ ዔያቶና ዒ ጨኣቁኔ፤ ዎጌያ ዔያቶም ዒንጌኔ፤ ጎኔ ካኣሺያ ዔያቶም ዳዌኔ፤ ሃጊ ማዓንዳ ዎዛ ቃኣላኣ ዔያቶም ዒንጌኔ።

5 ዔያታ ሸይንቶና ዓደንሢ ፃፂፓ ሙኪያኤ፤ ኪሪሰቶሴያ ዓሲ ማዒ ሸይንቲሢ ዔያቶይዲፓኤ፤ ዒዚ ጋዓንቲ ቢያሢዲፓ ዑሣ ማዔያኤ፤ ሃሣ ዓንጂንቲ ያኦሲኤ፤ ዓኣሜን።

6 ያዲ ማዔቲያ ያኦሲ ቃኣላ ሃሸንቲኔ ጌይሢቲዎሴ፤ ሃሣ ዒሰራዔኤሌ ዜርፃ ጉቤ ጎኔ ዒሰራዔኤሌ ዓሲኤ ጌይሢቲዎሴ።

7 ዬያጉዲ ሃሣ ዓብራሃሜ ዜርፃ ቢያ ያኦሲ ናይኤ ጌይሢቲዎሴ፤ ዎይቲ ጌዔቲ ያኦሲ ዓብራሃሜም፡- «ዜርፃ ኔኤኮ ዔኤሊንታንዳሢ ዪሳኣቁ ዛሎናኤ» ጌዔሢሮኤ።

8:36 ዓይኑ. 44:22። 9:4 ከሲ. ማፃ 9:4። 9:7 ማገሩ. ማፃ 21:12።

8 ይህ ዓብራሃምያዳፓ ሾይንቲ ሌሊ ሾይንቲ ዓሳ ያኑሲ ናይቱዋሴ፤ ጋዓንቲ ዓብራሃም ዜርዖ ማዒ ፓይዲንቴዞንሢ ሃጊ ማዓንዳ ዋዛ ዒንጊንቲ ናኣቶኬ።

9 ይይ ያኑሲ ዒንጊ ዋዛ፡- «ሙካ ሌዓ ሃይማ ዋዶ ታ ሙካንዳ፤ ሳኣራ ዒማና ዓቲንቄ ናይ ሾዓንዳ፤» ጋዓያኬ።

10 ይያ ሌሊቱዋንቲ ኑ ፃጶ ማኣርኮ ዓዳሢ ማዔ፡ ዩሳኣቄም ዒርቢቃ ሜንቲ ናይ ጎጳጳ ዋዶና፡

11-12 ያኑሲኮ ዶኦሪ፡- ማዶ ዛጊቱዋንቲ ዶኦሪ ኮዔሢ ዶኦሪ ዳንዳዓያ ማዔሢ ዔርዛኒ ላምዖ ናኣታ ሾይንቲ ፑርታኣ ማዖም ኮሺ ባኣዚ ማዳንዳሢኮ ቤርታ ያኑሲ ዒርቢቃም፡- «ቶይዲ ጌኤዚም ማዳያ ማዓንዳ፤» ጌዔኔ።

13 ይይያ፡- «ያይቆኦ ታ ናሽኬ፤ ዔኤሳዋ ጋዓንቲ ታ ዒፃ፤» ጌይንቲ ፃኣፒንቲሢ፡- ደያኬ።

14 ዓካሪ ኑ ዋዚ ጋዓንዳይ? «ያኑሲ ዓሲ ዳማሳ፤» ኑ ጋዓኒ ዳንዳዓ? «ያኑሲ ዓሲ ዳማሳ፤» ፔቲታዖ ኑ ጋዓኒ ዳንዳዐ-ዋሴ!

15 ዓይጎር ጌዔቲ ያኑሲ ሙሴም፡- «ታ ማኣራኒ ኮዓሢ ማኣራንዳ፤ ሚጨንታኒ ኮዓሢ ማኣ ታ ሚጨንታንዳ፤» ጌዔኔ።

16 ይህ ያኑሲ ዓሲ ዶኦሪሢ ዓሲ ማሊሢና ዓሲ ማዶና ዛጊቱዋንቲ ዒዛኮ ማኣሪዖናኬ።

17 ያዲታሢር ጊብፃ ካኣቲም፡- «ታ ዋልቆ ኔ ዛሎና ታ ዳዋኒና ሱንፃኣ ታኣኮ ዓጮ ቢያይዳ ዔርቲያ ማዓንዳጉዲ ታ ኔና ካኣታሴ፤» ጌይንቲ ፃኣፒንቲ።

18 ይህ ያኑሲ ኮዔሢ ማኣራኔ፤ ዒና ባይቃንዳጉዲ ዒ ኮዔሢኮ ዒና ማሉዋጉዲ ዶዲሻ፤

ያኑሲኮ ጎሪንቶና ማኣሪዖና

19 ዓካሪ፡- «ያኑሲ ማሊሢ ማካኒ ዳንዳዒንቲዋያ ማዔቲ ያኑሲ ዓሳ ዓይጎር «ፑርታ ማዳ፤» ጌይ ጎራይ» ጋዓይ ናንዳ፤።

20 ሃይ ዓሢ ኔ! ያኑሲና ዋላ ማርማኒ ዓይጎ ዋልቆ ኔኤኮ ዓኣይ? ማዢንቲሢ ማዢሢ ኮራ፡- «ኔ ታና ዓይጎር ሃያይዲ ማዢይ?» ጋዓኒ ዳንዳዓ?

21 ዖቲ ማዢሢ ዢኢጨ ዓጨዳፓ ዔኪ ፔቲ ባኤሎ ቦንቺንታያ ማሢ፤ ባጎዞ ቦንቺንቲዋያ ማሢ ማዢኒ ዳንዳዐ-ዋዳ?

9:9 ማዢ. ማፃ 18:10። 9:11-12 ማዢ. ማፃ 25:23። 9:13 ሚሊ. 1:2-3።
9:15 ኬሲ. ማፃ 33:19። 9:17 ኬሲ. ማፃ 9:16። 9:20 ዓሲ. 29:16፤ 45:9።

22 የኦሲ ደጎ ጎሪንቶ ፔኤኮ ዳዋኒና ዎልቆ ፔኤኮ ዔርዛኒ ኮዒ ባይሲንቶም ገአጊንቴዘንሢ ሚርጌና ጊቢ ዳንዳዓያ ማዔቴሽ!

23 ዬያ ዒዚ ማዳሢ ቤርታዲ ቦንቾም ዒ ገአጊሹ፣ ዒ ማኣሬ ዓለም ዒዛኮ ቦንቾ ዳኤፑም ዳዋኒኬ።

24 ዒ ማኣሬ ዓሶ ዓይሁዳፓ ሌሊቱዋንቴ ዓይሁዳ ማዒባአ ዓሶይዳፓአ ኑና ዔኤሌኔ።

25 ዬይያ፡- የኦሲ ማሊያ ኬኤዛ ሆሴዔ ዛሎና
«ታ ዳሬ ማዒባአ ዓሶ
ታ ዳሬ!» ጌይ ታ ዔኤላንዳኔ፤
ታ ሰሽኩዋ ዳር ታኣኒ ሰሽዛዘንሢ!»
ጌዒ ታ ዔኤላንዳኔ፤

26 ዔያታ «ዒንሢ ታኣኮ ዳሬቱዋሴ» ጌይንቴ ቤዘይዳ
«ሰንገና ባይቁዋ የኦዛሢ ሰኣቶ» ጌይንታንዳኔ»
ጌይንቴሢ፡- ዳያኬ።

27 የኦሲ ማሊያ ኬኤዛ ዒሲያሴ
ዒሲራዔኤሌ ዓሶ ዛሎ ዑኤዘ ዳጊዲ፡-
«ዒሲራዔኤሌ ሰኣቶኮ ፓይዳ
ባዘ ማኣሻሎ፡- ዳጊጌቴያ
ዔያቶይዳፓ ዳቃንዳዘንሢ ዳካ ሌሊኬ።

28 ዬይያ የኦሲ ሰጉዋያ
ሩኤሪና ዓጮይዳ ዎጋንዳሢ።» ጌዔኔ።

29 ዬያ፡- ሃሃ ዒሲያሴ ኬኤዛ፡-
«ቢያ ባኮ ዎይሢ ጎዳሢ ዜርያ ኦኡኮ ዓይሲባኣያታቴ
ሶይሚና ጋሞራና ካታማ ባይቁሢ፡-
ኦኡኒ ሄኤዳ ባይቁያ ሰንዳንቴኬ» ጌይ ቤርታዲ ኬኤዜኔ።

30 ዓካሪ ኦ ዎዚ ጎዎንዳይ? ኪሪሰቶሴ ጉሙርቁሢና ጴዳ ሂሉም ላቢ ኮዒባኣ፣ ዓይሁዳቱዋ ዓሳ ዳንቁኔ፤

31 ጋዓንቴ ዎጌይዳፓ ጴዳ ሂሉም ኮዔ፣ ዒሲራዔኤሌ ዓሳ ዎጎ ከንሢ ዳንዳዒባኣሢ።

32 «ዓይጎር ሂሉም ዳንቁባኣይ?» ጌዔቴ ዔያታ ሂሉም ዳንቁኒ ኮዔሢ የኦሲ ጉሙርቁሢናቱዋንቴ ማድና ማዔሢ። ዳቃ ሹጫሢዳ ዔያታ ዳቁንቴኔ፤

33 ዬይያ፡-
«ሃይሽ፤ ዓሲ ዳቃ ሹቾ
ዒዮኔይዳ ታ ጌሢኔ፤

9:25 ሆሴ. 2:23። 9:26 ሆሴ. 1:10። 9:28 ዒሲ. 10:22-23። 9:29 ዒሲ. 1:9።

ዩይ ሹጫሢ ዓሲ ዲቂ፥ ዓጋ ላሌኩ።
ዒዛ ጉሙርቃሢ ጋዓንቴ ቦርሲንጉዓኩ»
ጌይንቴ ፃኣፒንቴሢጉዲኩ።

10

ዒሰራዔኤሌ ዓሳ ፆኦሲ ጎይፆ ዓኣዲባኣሢ

1 ታ ዒሹንሦ! ታ ሚሹንሦ! ታኣኮ ዒኖይዳ ዓኣ ጴኤፖ ማሊፆና ፆኦሲ ታ ሺኢቃ ሺኢጲፆ ዒሰራዔኤሌ ዓሳ ዳቃንዳጉዲኩ።

2 ጎኔና ዔይታ ዔሩዋፆ ማዳኔ፤ ፆኦሲ ዛሎ ባኮ ዒናፓ ናሽካ ዓያና ዔይቶኮ ዓኣሢ ታ ታ ቶኦኪና ዔይቶኮ ማርካኩ።

3 ፆኦሲ ዓሰ ዒሎ ማሂ ዛጋ ጎይፆ ዔይታ ዔሩዋፆ ዔይታ ፔኤር ዒላኒ ኮሊፆና ፆኦሲ ዒሎሞሞ ዓይሢንቴባኣሴ።

4 ዓሲ ቢያ ኪሪሰቶሴ ጉሙርቂሢና ዒላንዳጉዲ፥ ሙሴኮ ዓሰ ፆይሦ ፆጋ ኪሪሰቶሴና ኩሜኔ።

ዳቂንጉ ቢያ ዓሰም ማዒፆ

5 ፆጎ ኩንሥሢና ጴዳ ዒሎሞ ዛሎ ሙሴ ፃኣፒሢ፡- «ፆጎ ኩንሣሢ ቢያ ሸምፔና ናንጋንዳኔ» ጋዓያኩ።

6-7 «ኔኔኒ ዒኖና <ፔቴ ዓሲ ኪሪሰቶሴ ኬይሳኒ ሌካ ጫሪንጮ ኬሰኮንጎ፣ ጌዒፖ፤» ሃሢ «ኔ ዒኖና <ፔቴ ዓሲ ኪሪሰቶሴ ኬሳኒ ሃይቂ ዓሳ ዓኣ ቤዞ ኬደንጎ፣ ጌይፖ» ዩይ፡- ኪሪሰቶሴ ሃይካኬ፤ ፆኦሲ «ዒሎኩ» ጌይ ዛጋ ዓሳ ያዲ ጎዑሞሴ።

8 ሃሢ ጊንሢ፡- «ፆኦሲኮ ቃኣላ ኔኤኮ ኮይላኬ፤ ፔቶ ሃሢ ኔኤኮ ዳንጎና ዒኖናይዳኩ» ጌይንቴ ፃኣፒንቴኩ። ዩይ ቃኣላ ኦኡኒ ኬኤዛ ጉሙርቂፆ ቃኣሎኩ።

9 ዩሱሴ ጎዳ ማዔሢ ኔ ዒኖና ኔ ማርካዲ ፆኦሲ ዒዛ ሃይባፓ ዔቂሴሢያ ኔ ጉሙርቂቶ ዳቃንዳኔ።

10 ዓይጎር ጌዔቴ ዓሲ ፔ ዒኖና ጉሙርቂ ዒላኔ፤ ፔ ዳንጎና ማርካዲ ዳቃኔ፤

11 ዩይያ፡- «ዒዛ ጉሙርቃሢ ቢያ ቦርሲንቴንዲሞሴ» ጌይንቴ ፃኣፒንቴሢጉዲያኩ።

12 ዓካሪ፤ ፔቴ ፆኦዛሢ ቢያሢኮ ጎዳ ማዔሢር ዓይሁዴ ዓሰና ዓይሁዴ ማዒባኣ ዓሰና ባኣካ ዲሙሞ ባኣሴ፤ ዒዚ ኮሺ ፆኦሲ ማዔሢር ሺኢቃዞንሢም ቢያ ዳቂንቶ ዓንጅ ሚርጌና ዒንጋኔ፤

10:5 ለቂ. ዓኩ 18:5። 10:8 ላሚ. ፆማ 30:12-14። 10:11 ዒሲ. 28:16።

13 ዓይጎር ጌዔቴ ጌኤዠ ማፃኣፖይዳ፡- «ጎዳ ማኣዳጎዳጉዲ ዔኤላሢ ጉቤ ዳቃጎዳኔ» ጌይጎቴኔ።

14 ጋዓጎቴ ዒዛ ጉሙርቁባኣታዎ ዎይቲ ዔያታ ዔኤላኒ ዳጎዳዒ? ሃሃ ዒዛ ዛሎ ዎይዚ ባኣጎ ዎይቲ ዔያታ ጉሙርቃጎዳይ? ዔያቶም ኮዦ ሃይሶ ቃኣሎ ኬኤዛ ዓሲ ባኣጎቴ ዎይቲ ዔያታ ዎይዚኒ ዳጎዳዒ?

15 ጌኤዠ ማፃኣፖይዳ ኮዦ ሃይሶ ቃኣሎ ኬኤዛዘጎሢ ኬኤዘም ዳኪጎቲባኣታቴ ዎይቲ ዔያታ ኬኤዛኒ ዳጎዳዒ? «ኮዦ ሃይሶ ኬኤዛ ዓሶኮ ቶካ ዎዚጉዳ ኮሺዳይ?» ጌይጎቴ ፃኣፒጎቴሢጉዲኩ።

16 ጋዓጎቴ ያኦሲ ማሊያ ኬኤዛ ዒሲያሴ፡- «ጎዳሢዮ! ኦኡኒ ኬኤዛ ቃኣሎ ያኦኒ ዔኬይ?» ጌዔሢጉዲ ቢያሢ ኮዦ ሃይሶ ቃኣሎ ዔኪባኣሴ።

17 ዓካሪ፤ ኪሪሰቶሴ ጉሙርቁሢ ደዳሢ ኮዦ ሃይሶ ዎይዚዳፓኬ፤ ኮዦ ሃይሳኣ ኪሪሰቶሴ ዛሎ ኬኤዛሢ።

18 ሂጎዳ ታ ሂዚ ጎዎም፤ ኮዦ ሃይሶ ዔያታ ዎይዚባኣሴ ጌይሢዳ? ጌኤዠ ማፃኣፖይዳ፡-

«ኮዦ ሃይሳ ዓጮ ቢያይዳ ኬኤዚጎቴኔ፤

ዩይ ዑኡዛ ዓጮኮ ጋፖ ሄሌኔ»

ጌይጎቴ ፃኣፒጎቴሢጉዲ፡ ጎኔና ዒሰራዔኤሌ ዓሳ ዎይዜያኩ።

19 ሃሃ ዒሰራዔኤሌ ዓሳ ኮዦ ሃይሶ ዔሪባኣሴ ጌይሢዳ? ዩይ ያዲ ጌይጎቴዎጉዲ ሙሴ ሃያኮ ቤርታ፡-

«ቦሂጎቴ ዓሶ ዓሲ ማሂ

«ዎይቲ ዔያታ ኦጉዲ ማዔይ» ታ ዒጎሢ ጌይሲሳጎዳኔ፤

ዔኤቢ ዔሩዎ ዓሶ ዔርዚ

ታ ዒጎሢ ዳጋሳጎዳኔ» ጌዔኔ።

20 ያኦሲ ማሊያ ኬኤዛ ዒሲያሴ ሃሃ፡-

«ታና ኮሲባኣሢም ታ ደዳኔ፤

«ያኦሲ ዓጎካዳይ?» ጌይ ታና ያኦጪባኣዘጎሢም ታ ፔጋዲ ደዳኔ»

ጌዒ ጫርቁ ኬኤዜኔ።

21 ጋዓጎቴ ዒሰራዔኤሌ ዓሶ ዛሎ ኬኤዛዎ፡-

«ዓይሢጎቴዎ፡ ዒፃ ዳሬ

ታ ባጎሢ ሙካጎዳጉዲ

ቢያ ዎዳ ኩጮ ታ ቤኤዜኔ» ጌዔኔ።

10:13 ዓ.ዩ. 2:32። 10:15 ዓ.ሲ. 52:7። 10:16 ዓ.ሲ. 53:1። 10:18 ዓይኑ. 19:4። 10:19 ላሚ. ዎማ 32:21። 10:20 ዓ.ሲ. 65:1። 10:21 ዓ.ሲ. 65:2።

11

የኦሲ ዲሰራዔኤሌ ዓሰ ፔቶ ሃሺባኣያ ማዒያ

1 ሂንዳ ታ ሃሃ ሂዚ ጎየሞ፤ የኦሲ ፔ ዴሮ ሃሺያ? ፔቴታያ ሃሺባኣሴ! ታኣኒ ታ ቶኦኪና ዓብራሃሜ ዜርፃፓ ሃሃ ቢኢኒያሜ ማኣራፓ ማዔያ ዲሰራዔኤሌ ዓሰኬ።

2 ዩያሮ የኦሲ ቤርታዲ ዶኦሬ ዴሮ ሃሺባኣሴ፤ ጌኤዠ ማፃኣፓ ዔኤሊያሴ ዛሎ ዋዚ ጌዔቴያ ዲንሢ ጳቂሡዋዓዳ? ሃሃ ዲሰራዔኤሌ ዴራ ማዴ ባኮ ዋዚ ጌዒ የኦሲም ዲዚ ፑሽኬቴያ ዲንሢ ዔራዋዓዳ?

3 ዲማና ዔኤሊያሴ፡- «ጎዳሢዮ! ኔ ማሊያ ኬኤዛዘንሢ ዔያታ ዋዴ፤ ኔኤም ዲንጎ ባኮ ዲንጊ ካኣሽኮ ቤዘዋ ሻሄም ታኣኒ ሌሊ ዓቴ፤ ታናኣ ሃሃ ዔያታ ዋዳኒ ኮዓኔ» ጌዔ።

4 ጋዓንቴ የኦሲ ዲዛም ማሃዮ፡- «ጎኔ የኦሲ ማዒባኣ፥ ባዓኣሌ ጎየ የኦዘ ካኣሽኪባኣ ለንካይ ሺያ ዓሲ ታኣኮ ዓኣኔ» ጌዔ።

5 ሃሢ ማዔቴያ የኦሲኮ ኮሹሞ ዲንጊያና ዶኦሪንቴ ዳካ ዲሰራዔኤሌ ዓሲ ዓኣኔ።

6 የኦሲኮ ዶኦሪፃ ኮሹሞ ዲንጊያና ማዔቶ ማዳናቴዋሴ ጌይሢኬ፤ ዋንዴ ማዳና ማዔቴ የኦሲኮ ኮሹሞ ዲንጊያ ኮሹሞ ዲንጊሢ ማዓንጃዋያታንቴኬ።

7 ዓካሪ ጋፒንፃ ዓይጎ ማዔይ? ዲሰራዔኤሌ ዓሳ ዔያታ ኮዔ ባኮ ዴንቁባኣሴ፤ ዶኦሪንቴዘንሢ ጋዓንቴ ዴንቁ፤ ዓቴ ዓሳ ጎኩሞ ዔራኒ ዳንዳዒባኣሴ።

8 ዩይያ ያዲ ማዔሢ፡-
«የኦሲ ዲሮ ዔያቶኮ ዶጨሴ፤
ዩያሮ ሃሮ ሄላንዳኣና
ዓኣፓ ዔያቶኮ ዴንቁዋሴ፤
ዋያኣ ዔያቶኮ ዋይዙዋሴ»
ጌይንቴ ፃኣፒንቴሢሮኬ።

9 ዳውቴ ሃሃ፡-
«ዔያታ ሙዓኒ ቡካ ቤዛ ዓርቃ ፒሮ፤
ሃሃ ሎንሣ ዔቴ ማዒ ዔያቶ ሜታሶንጎ!

10 ዓኣፓ ዔያቶኮ ዴንቁዋጉዲ ዲሞንጎ፤
ጊኢራኣ ዔያቶኮ ሜቶና ቢያ ኬሊ ዋሶንጎ» ጌዔ።

11:1 ፒላጲ. 3:5። 11:3 1ካኣቶ. ማ 19:10፤14። 11:4 1ካኣቶ. ማ 19:18።
11:8 ላሚ. ዋማ 29:4፤ ዓሲ. 29:10። 11:10 ዓይኑ. 69:22-23።

11 ሂንዳ ለሚ ታ ሃሣ ሂዚ ጎዖም፤ ዓይሁድ ዓሳ ደቢንቴሢ ናንገና ባይቃንዳጉዲዳ? ያዲቱዋሴ! ዓይሁድ ዓሳ ደቢንቶ ዘሎና ዓይሁድ ማዒባኣ ዓሳ ደቁንታ ዴንቄ፤ ዬይ ያዲ ማዕሚ ዔያታ ዓይሁድ ማዒባኣ ዓሳ፡- «ዋይቲ ዔያታ ኑጉዲ ማዕይ?» ጋዓንዳጉዲኬ።

12 ዓይሁድ ዓሳኮ ደቢንታ ዓጮም ሚርጌ ዓንጅ ጴዲሴ፤ ሃሣ ዔያቶኮ ባሊቲባኣያ ማዒፃ ዓይሁድ ማዒባኣ ዓሳም ዓንጅ ማዕይ፤ ዋንዴ ዓይሁድ ዓሳ ቢያ ደቁያ ማዕይቲ ዓንጅ ዋዚ ሚርጋንዳንቴዳይ?

ዓይሁድ ማዒባኣ ዓሳኮ ደቁንቶ

13 ሃሢ ሃያ ታ ኬኤዘሢ ዒንሢ፤ ዓይሁድ ማዒባኣ ዓሳምኬ፤ ዒንሢ፤ ዓይሁድ ማዒባኣ ዓሳም ታ ኬኤዘንዳጉዲ ደኪንቴሢረ ታ ማዲ ማደና ዋዛዳ።

14 ሃያ ታ ማዲሢ ታ ፃጰ ማዕ ዓይሁድ ዓሳ፡- «ዔያታ ዋይቲ ኑጉዲ ማዕይ?» ጌይሳኒኬ፤ ዬያይዲያና ጎዖንቴ ዔያቶይዳፓ ፔቴ ፔቴዘንሢ ታ ደቁሻንዳያ ናንዳ።

15 ያኦሲ ዔያቶ ሃሼሢረ ሜሌ ዓሳ ያኦሲና ቡካያ ማዕይቲ ያኦሲ ዔያቶ ፔ ዓሲ ማሂ ዔካ ዋደና ዋዋይታንዳያ ዒንሢም ማላይ? ዬይ ሃይቢዳፓ ዔቁሢጉዴያኬ!

16 ፔቴ ቆኦሮ ሙኑቃኮ ካራፓ ዔኪ ያኦሲም ዲማዴያ ማሆናቴ ሙኑቃ ጉቤ ያኦሲም ዲማዴያ ማዕይ። ዬያጉዲ ሃሣ ፔቴ ሚሢኮ ፃጰ ያኦሲም ዲማዴያ ማዕይቲ ካኣፓኣ ዲማዴያ ማዕይ።

17 ማኦር ካራ ቴኮና ዘይቶ ሪሚቶ ሚያኮ ካኣፖ ማዕ ዓይሁድ ዓሳ ሜቂ ኬዴ ቤዛ ጌሃና፤ ካዮ ሪሚቶ ካኣፖጉዲ ማዕ፤ ዒንሢ ዓይሁድ ማዒባኣ ዓሳ ዔያቶም ዒንገንታ ዓንጅ ዒንሢያ ዴንቃያ ማዕይ።

18 ዬያሮ ዒንሢ ዓይሁድ ማዒባኣ ዓሳ ሜቂ ኬዴ ካኣፖ፤ ዓይሁድ ዓሳይዳ ያቶርቁፖቴ፤ ዒንሢ ካኣፒ ሌሊ ማዕሢረ ፃጰ ዒንሢ ኬዲ ዓርቄ፤ ዒንሢ ፃጰ ኬዲ ዓርቁባኣሢረ ሄርሺንታንዳያ ዒንሢም ኮይሱዋሴ።

19 ጋዓንቴ፡- «ካኣፓ ሜቂ ኬዴሢ ኑኡኒ ዔያቶ ቤዛ ጌላንዳጉዲ ጌይኬ» ዒንሢ ጋዓንዳኣናንዳ።

20 ያዲ ዒንሢ ጋዒ ጎኔኬ፤ ጋዓንቴ ዔያታ ሜቂ ኬዴሢ ኪሪሰቶሴ ጉሙርቁዋዖ ዓቲያና ማዕዛ ዒንሢ ደዲ ዒኣካ ዴዔሢ ኪሪሰቶሴ ጉሙርቁያናኬ፤ ያዲ ማዕሢረ ዒዒጌጫንዳፓዓቲም ያቶርሙዋ ዒንሢ ኮይሱዋሴ።

21 ዓይጎር ጌዔቴ ያኦሲ ቤርታ ማዢንቶ ካኣፖ ማዕ፤ ዓይሁድ ዓሳም ሚጫንቴባኣያ ማዕይቲ ዒንሢማኣ ሚጫንታዓኬ።

22 ዓካሪ ያኦሲኮ ሚጫንቶና ሚጫንቶ ዒዲያና ዛጉዋቴ፤ ሚጫንቶ ዒዲያ ዒዛኮ ሜቂ ኬዴዘንሢም ማዕዛ፤ ሚጫንቶ ዒ

ዲንሢ ሚጠገንታኔ፤ ዬያ ዲ ማዳንዳሢ ዲ ዛ ጉሙርቁጾና ዶዲ ዲንሢ ናንጌቲኩ፤ ዶዲ ባኣቲ ጋዓንቲ ዲንሢያ ሜቁ ኬዳንዳኔ።

23 ዓይሁድ ዓሳ ኪሪሰቶሴ ጉሙርቁጾ ዲዲያ ሃሺ ማዔቲ ቤርታ ዔያታ ዓኣ ቤዞ ማማዓንዳኔ፤ ዎይቲ ጌዔቲ ያኣሲ ዔያቶ ቤርታ ዓኣ ቤዞ ማሃኒ ዳንዳዓኔ።

24 ዲንሢ፣ ዓይሁዴ ማዒባኣ ዓሳ፤ ዲንሢ ካዮ ሪሚቶ ካኣፕ ማዒ ዓኣያታዎ ዲንሢኮ ቤዞ ማዒባኣ፣ ቱኮና ዛይቶ ሪሚቶ ሚያይዳ ዓይሢንታኒ ዳንዳዔቲ ቱኮና ዛይቶ ሪሚቶ ካኣፕ ማዔ ዓይሁድ ዓሳ ቤርታ ዔያታ ዓኣ ቤዞ ማዓኒ ዎይቲ ዔያቶም ዳንዳዒንቲንዳዎይ!

ዲሰራዔኤሌ ዓሳ ዳቃኒ ዳንዳዓያ ማዒፆ

25 ታ ዲሾንሦ! ታ ሚሾንሦ! «ኮ ዔራኬ» ጌይ ሄርሺንቲፖቲ፤ ፔቲ ዓኣሺንቲ ባኣዚ ታ ዲንሢም ኬኤዛንዳኔ፤ ዬና ዓይጎዳይ ጌዔቲ ዲሰራዔኤሌ ዓሰኮ ጉሙርቆ ዲዲያ ጋፒንሢ ሄላንዳኣናቱዎንቲ ዔኤሊንቲ፣ ዓይሁዴ ማዒባኣ ዓሳ ቢያ ያኣሲ ባንሢ ሙካንዳያ ሄላንዳኣናኩ።

26 ዓካሪ፤ ዲሰራዔኤሌ ዓሳ ቢያ ዳቃንዳሢ፡-

«ዳቁሻሢ ዲዮኔፓ ኬሰካንዳኔ፤ ያይቆኦቤ ዜርዖኮ ጎሞ ባይዛንዳኔ፤

27 ጎሞ ታ ዔያቶኮ ባይዛ ዎድና

ዔያቶና ዎላ ታ ጩኣቃንዳ ጩኣቁማ ያዲኬ»

ጌይንቲ ያኣፒንቲ ጎይዖናኩ።

28 ዲሰራዔኤሌ ዓሳ ኮኮ ሃይሶ ዎይዜዎ ዔኮ ዲዲያና ዲንሢ ዓይሁዴ ማዒባኣ ዓሰም ዳቁንታ ማዓንዳጉዲ ያኣሲኮ ዔያታ ሞርኬ ማዔኔ። ጋዓንቲ ዶኦሪንቲዎ ዛሎታቲ ዔያታ ዓድንሢ ዛሎና ያኣሲኮ ዲጊኖኩ።

29 ያኣሲ ዶኦሪ ሃሢ ኮሹሞ ዲንጊዎ ዲንጌሢኮ ጊንፃ ዲ ማዳ ማዳና «ዓይጋ ታ ሂዴይ!» ጌይ ማሉሞሴ።

30 ዲንሢ፣ ዓይሁዴ ማዒባኣ ዓሳ ቤርታ ያኣሲም ዓይሢንቲዎንኬ፤ ሃሢ ጋዓንቲ ዓይሁዴ ዓሳ ዓይሢንቲባኣ ዛሎና ያኣሲ ማኣሪዎ ዲንሢ ዴንቁኔ።

31 ያኣሲ ዲንሢ ማኣሪሢ ዔያታ ዛጋዎ ያኣሲም ዓይሢንቲዎን ማዔኔ፤ ጋፒንፃ ጋዓንቲ ዲንሢ ማኣሪ ጎይዖ ዔያቶ ማኣሪንዳኔ።

32 ዓይጎር ጌዔቲ ያኣሲ ዓሲ ቢያ ማኣሪኒ ጋዓዎ፣ ዓሲ ቢያ «ዓይሢንቲዎንኬ» ጌይ ሃሺኔ፤

ያኣሲ ሄርሺሢ

- 33 ያኦሲኮ ኮሹሞና ሃኣማቶና ሃሣ ዔራቶና
ያኦሲያ ዔራቆያኬ!
- ዒ ዎጋ ዎጊፃ «ዎዚሞዳይ?» ጌይንቱዎያኬ፤
ዒ ማዳ ጎይፃኣ ዔርቱዎያኬ!
- 34 ያኦሲ ማሊሢ ዔራይ ያኦሲያ ባኣሴ፤
ዒዛ ዘራ ዓሲያ ባኣሴ፤
- 35 ታልፆ ማሃንዳጉዲ፥
ዒዛም ታልዔ ዓሲያ ባኣሴ።
- 36 ዎይቲ ጌዔቲ ቢያ ባኮ ማጌህሂ ዒዛኬ፤ ቢያ ባኮ ናንጊሻሢያ
ዒዛኬ፥ ዒዛም ናንጋያኬ፤ ናንጊና ቦንቾ ዒዛም ማፆንጎ፤ ዓኣሜን።

12

ያኦሲም ማዳኒ ናንጎንዶ ጎይሢ

1 ዓካሪ ታ ዒሹንሦ! ታ ሚሹንሦ! ያኦሲ ዎዛሳያ ሃሣ ናንጊና ባይቁዎ ዒንጎ ባኣዚ ማሂ ዒንሢ ያኦሲም ዒንሢ ዒንጋንዳጉዲ ዓቶም ጋዓ ያኣዛሢ ሱንፆና ታ ዒንሢ ሺኢቃኔ፤ ዬይ ዒንሢ ዒንጋኒ ኮይሳሢ ፒዜ ማዔያ ጎኔና ያኦሲ ካኣሽኪሢኬ።

2 ኮሺ ሃሣ ዎዛሳያ፥ ፓጫ ባኣዚያ ባኣያ ማዔ ያኦሲ ማሊያ ዒንሢ ዔራንዳጉዲ ዒንሢኮ ዒና ዓካዲ ላኣሚንቶንጎ፤ ጋዓንቲ ሃያ ዓጮ ዓሶኮ ፑርቶ ማሊያጉዲ ማዲፖቲ።

3 ሃሣ፡- «ዒንሢ ፔቲ ፔቲሢም ያኦሲ ዒንጌ ጉሙርቁፆጉዴያ ሹሌዑሞና ማላንዳፓዓቲም ዒንሢም ኮይሳሢዳፓ ዑሣ ዓኣሢ፥ ዒንሢ ደጊዲ ማሊፖቲ» ጌይ ያኦሲ ታኣም ፔ ኮሹሞና ዒንጌ ጎይፆና ታ ዒንሢ ዘራኔ።

4 ኑኡኮ ፔቲ ፔቲሢኮ ዑፆይዳ ዲማ ዲማ ቤሲ ዓኣኔ፤ ዬያ ዲማ ዲማ ዑፆኮ ዲማ ዲማ ማዳ ዓኣኔ።

5 ዬያጉዲ ኑኡኒ ሚርጌታፆ ኪሪሰቶሴና ኑ ፔቲ ዑሢኬ፤ ፔቲ ዑፆኮ ዲማ ዲማ ቤዘ ኑ ማዔ ጎይፆና ዎላ ኑ ካኣማያኬ።

6 ዬያሮ ያኦሲ ፔ ኮሹሞ ዒንጊፆና ኑም ዒንጌ ዲማ ዲማ ዒንጊፆጉዴያ ኑ ማዳም፤ ኑም ዒንጊንቲሢ ያኦሲ ማሊሢ ኬኤዚሢ ማዔቲ ያኦሲ ጉሙርቃ ጎይፆማ ኑ ኬኤዘም።

7 ኑም ዒንጊንቲሢ ማሌ ዓሲም ማዳሢ ማዔቲ ዶዲ ኑ ማዳም፤ ኑም ዒንጊንቲሢ ዔርዚሢታቲ ኮይሳ ጎይፆ ኑ ዔርዘም፤

11:33 ዒ.ሲ. 55:8። 11:34 ዒ.ሲ. 40:13። 11:35 ዒ.ዮ. 41:11። 11:36 1ቆሮ. 8:6። 12:5 1ቆሮ. 12:12።

8 ኑም ዒንገንቴህ ዓሲ ዘሪህ ማዕቴ ኑ ዘርም፤ ኑም ዒንገንቴህ ዓሲም ዔኤቢ ዒንገህ ማዕቴ ዒናገ ኑ ዒንጎም፤ ኑም ዒንገንቴህ ዓሲ ወይሥህ ማዕቴ ዶዶ ኑ ወይሥም፤ ኑም ዒንገንቴህ ማሌ ዓሲ ማጠገንቴህ ማዕቴ ወዛና ኑ ማጠገንቶም፤

ናሹሞ

9 ናሹማ ዒንህከ ዑህ ማዕባእ ናሹሞ ማዖንጎ፤ ፑርታ ባአዚ ቫአኪንቴ፣ ኮሺ ባአዚ ዒናገ ማዲሞቴ።

10 ኪሪሰቶሴ ዛሎና ዒንህ ወለኮ ጌርሲንህ ሃሃ ጌርንህ ማዕህሮ ወለ ዒናገ ናሽኪንቴሞቴ፤ ማሌ ዓሲ ዒንህ ቦንቻሰካገ ባሺ ቦንቻኒ ኮዑሞቴ፤

11 ቤልፀሞ ሃሺ፣ ጉቤ ዒናገ ጎዳ ዩሱሴም ዶዶ ማዲሞቴ።

12 ሃገ ማዓንዳ ባኮና ወዛዲሞቴ፤ ሜቶ ወዴና ጊቢ ዳንዳዑሞቴ፤ ቢያ ወዴና ሃሃ ሺአቁሞቴ።

13 ኪሪሰቶሴ ጉሙርቃ፣ ዒንህከ ዒሾንህ ሜቴቶ ማአዲሞቴ፤ ሾኦቹ ማዕ ሙካዞንህያ ሾኦቹንህ ዔኩሞቴ።

14 ዒንህ ዒዲ፣ ዳውሳዞንህ ዒንጂሞቴ፤ ዓዓንጃንዳገዓቴም ዔያቶም ጋዳንቂፖቴ።

15 ወዛዲ ዓሶና ወለ ወዛዲሞቴ፤ ዩኤካ ዓሶና ወለ ዩኤኩሞቴ፤

16 ወለ ፔቴ ማሊሂና ጊኢጊ ናንጉሞቴ፤ ዒንህ ቶኦኮ ደጊሲ ዖቶርቂህ ሃሺ፣ ማንቆ ዓሶና ወለ ፔቴ ማዑሞቴ፤ * «ታጊዳገ ማሌ ዔር ባአሴ» ጌይፖቴ።

17 ዓሲ ቢያም ኮሺ ባአዚ ማዲሞቴ፤ ዓሲ ፑርታ ባአዚ ዒንህም ማዴቴ ዒንህያ ፑርታ ባአዚ ማሂ ማዲፖቴ።

18 ዒንህም ዳንዳዒንታያ ማዕቴ ዓሲ ቢያና ኮሹሞና ናንጋኒ ዒንህ ማዳንዳያ ኮይሳ ባአዚ ቢያ ማዲሞቴ።

19 ታ ዒሾንህ! ታ ሚሾንህ! ኮሜ ዖኦሲም ሃሹሞቴ፤ ዒንህሮ ኮሜ ዔኪፖቴ፤ ዓይጎር ጌዔቴ ዖኦሲ፡- «ኮሞ ማሃንዳህ ታናኬ» ጋዓኔ ጌይንቴ ፃኦፒንቴህሮኬ።

20 ዩያሮ ኮሜ ማሃህዳገ፡-

«ኔኤኮ ሞርካህ ናይዳቴ

ዒዛ ሙኡዜ፤

ዳኤቤቴያ ዒዛ ዑሼ፤

ዩያ ኔ ሂዳቴ ዒ ማዴ ማዳ

12:8 1ቆሮ. 12:4-11። 12:14 ማቴ. 5:44፤ ሉቃ. 6:28። * 12:16 ማንቆ ዓሶና ወለ ፔቴ ማዑሞቴ፡- ጌይፃ «ቦሃንታ ማዲ ማዳኒያ ናሽካያ ማዑሞቴ» ጌይሂኬ።

12:16 ኮኦኪ. 3:7። 12:19 ላሚ. ዋማ 32:35።

ዴኔፒ ዳቢንቲ ማዕረህ ዒዛም ዔርታንዳኔ።»

21 ዬያሮ ፑርታ ማዳ ኮሹሞና ባባሽ፤ ፑርቱሞና ባሽንቲፖ።

13

ዓጮ ዎይህ ዓሰም ዓይሂንታኒ ኮይሳህ

1 ዓይጎ ቢታንቶዎ ማዎም ዒንገንታህ ጾኦሲ ማለሂና ማዕረህ ሃህ ዓኣ ዎይህ ዓሰዎ ደኦሪህ ጾኦሲታሂሮ ዓሲ ቢያ ዎይህ ዓሲም ዓይሂንታንዳያ ኮይሳኔ።

2 ዬያሮ ዓጮ ዎይህ ዓሰም ዓይሂንቶ ዒፃህ ቢያ ጾኦሲ ዓይሂያዎ ዒፃያኬ፤ ዓይሂንቶ ዒፃህ ፔ ቶኦካ ሜቶ ዔኪ ሙካንዳኔ።

3 ዎይቲ ጌዔቲ ዓጮ ዎይህ ዓሳ ዒጊቻህ ፑርቶ ማዳዘንህ ማዓንዳጎታዎ ኮሺ ማዳዘንሂቱዋሴ፤ ዓጮ ዎይህ ዓሰ «ዒጊጫዓ» ኔ ጋዓ? ሂዴያታቲ ኮሺ ባኣዚ ማዴ፤ ዎይህ ዓሳ ኔና ጋላታንዳኔ።

4 ዓጮ ዎይህ ዓሳ ኔኤም ኮሺ ማዳንዳጉዲ ጾኦሲ ደኦሪም ማዳያኬ፤ ዓጮ ዎይህ ዓሳ ዓንጋም ዓርቃህ ጉሪቱዋኣሂሮ ፑርታ ኔ ማዳያ ማዕቲ ዓጮ ዎይህ ዓሰ ዓጊጮ፤ ዓዚ ፑርታ ማዳ ዓሰ ዓርቂ ሜቶ ሄሊሳንዳጉዲ ጾኦሲ ጌህያ ዒዛኮ ዓንጋሞኬ።

5 ዬያሮ ዓጮ ዎይህ ዓሰም ዓይሂንታንዳያ ዒንህ ኮይሳኔ፤ ዒንህ ዓይሂንታንዳህ ጾኦሲ ዒንሂዳ ዔኪ ሙካንዳ ጎሪንቶሮ ሌሊቱዋንቲ ዒና ዒንሂኮ ዬያይደንደህ ዔራያታሂሮኬ።

6 ዓካሪ ጊኢራ ዒንህ ጪጋህ ዬያሮኬ፤ ዓጮ ዎይህ ዓሳ ዬያ ማዳሻንዳጉዲ ጾኦሲ ጌህዘንሂኬ።

7 ዬያሮ ዓጮ ዎይህ ዓሰ ዛሎና ዒንሂዳጎ ኮይንታ ባኮ ቢያ ኩንሡዋቲ፤ ጊኢራ ኮይሳሂም ጊኢራ፥ ሻንቾ ባኮ ዛሎ ጪጎሂታቲያ ጪጉዋቲ፤ ዒጊጪንታኒ ኮይሳሂ ዒጊጮፍቲ፤ ቦንቻኒ ኮይሳሂያ ቦንቹዋቲ።

ዎሊ ናሽኪህ

8 ዒንሂ ዎሊ ሴካና ሃንጋና ናሽኩዋቲ፤ ዎ ጊዳኣ ዒንሂኮ ናሹሞ ጋሌ ባኣያ ማዎንጎ፤ ዓይጎሮ ጌዔቲ ዓሲ ናሽካህ ዎጎ ኩንህኔ ጌይሂኬ።

9 «ማቾ ሃህ ዓኒ ማዒ ባኣያና ላሂፖ፤ ዓሲ ዎዲፖ፤ ዉኡቂፖ፤ ዓሲሮ ማዕ ባኣዚ ዓይጎዎ ዛጊ ሱኡካዲፖ» ጋዓ ዓይሂያንታ ሃንጎ

12:20 ኮኣኪ. 25:21-22። 13:6 ማቲ. 22:21፤ ማር. 12:17፤ ሉቃ. 20:25።

ዓይሢያኦ ሲያ «ዓሲ ሲያ ኔና ማሂ ናሽኬ» ጋዓ ዬና ፔቴ ዓይሢያ
ዎጌሎ ጋራ ማዓኔ።

10 ዓሲ ናሽካሢ ሲያ ዓሲም ፑርታ ባኣዚ ማዲዎሴ፤ ዬያር ዓሲ
ናሽካሢ ዎጎ ሲያ ኩንሢኔ ጌይሢኬ።

11 ዓካሪ ገንዓሰካፓ ዒንሢ ጴጫንዳ ዎዳ ሄሌሢ ዔሪጋፓ ዬያ
ሲያ ማዲዎቴ፤ ዓይጎር ጌዔቴ ቤርታ ኦኡኒ ኪሪሰቶሴ ጉሙርቄ
ዎዶይዳፓ ባሽ ሃሢ ኦኡኩ ዳቂንቶ ኬላ ኦ ባንሢ ኮሺ ዑኬኔ።

12 ዲማ ካራኒ ማዔሢረ ዲሞ ማዶ ሃሺ፣ ፖዎኮ ዓኣ ዖሎ ዓንጋሞ
ኦ ዓርቆም።

13 ሮኦሪና ሃንታ ዓሲጉዲ ዔሪ፣ ኮይሳ ናንገ ኦ ናንጎም፤ ኮይሱዎ
ኮሢና ማሢንቲሢና፣ ማቾ ሃሢ ዓኒ ማዒባኣያና ላሂሢ፣ ላኣሊ
ዓርቆኒ ኮዒ ዑሢ ዓርቄ ዓማሊሢ፣ ማርሞና ፑርታ ቂኢሩሞዎ ኦ
ሃሽም።

14 ዬያይዳፓ ጎዳ ዬሱሰ ኪሪሰቶሴና ዎላ ፔቴ ማዑዎቴ፤ ዒንሢኮ
ጎሞ ማሊዎዎ ኩንሢኒ ማሊፖቴ።

14

ኮይሱዎ ጎይሢና ዓሲዳ ዎጋንዳያ ኮይሱዎኣሢ

1 ዒንሢ ባኣኮይዳ ኪሪሰቶሴ ጉሙርቄዎና ዶዲቴዎ፣ ላቤ ዓሲ
ዓኣቶ ናሹሞና ዒዛ ዓዓርቁዎቴ፤ ኮይሱዎ ጎይሢና ዒዛኮ ላቤ
ማሊዎይዳ ዎጊፖቴ፤

2 ፔቴ ዓሲኮ ጎሙርቁ፦ «ሲያ ባኣዚ ሙይንታኒ ኮይሳያኬ»
ጋዓያ ማዓኒ ዳንዳዓኔ፤ ኪሪሰቶሴ ጉሙርቁዎና ዶዲባኣሢ ጋዓንቴ
ሙዓኒ ቱኮናያ ሃሢ ዜርቆና ሳኣሚ ሌሊ ሙዓያ ናንዳኔ፤

3 ዬያር ጉቤ ባኮ ሙዓሢ ሙዑዎኣሢ ቦሆፓ፤ ቱኮ ባኮ ሙዓሢ
ጉቤ ባኮ ሙዓሢ ዑፃ ኮይሱዎ ጎይሢና «ዳቤኔ» ጌይ ዎጎፓ፤ ዎይቲ
ጌዔቴ ዒዛሲያ ዎኦሲ «ኮሺኬ» ጌዔሢሮኬ።

4 ዓካሪ ሜሌ ዓሲም ማዲሢ ዑፃ ዎጋንዳያ ኔኤም ኮይሱዎሴ፤
ዓይጎር ጌዔቴ ዒዚ ሎኣሜቴያ ዔቁቴያ ዒዛኮ ጎዳ ዔራፓኣዓቴም
ኔ ባኣዚቴዎሴ፤ ዒዛኮ ጎዳሢ ዒዛ ዔቁሳኒ ዳንዳዓሢረ ዶዲ ዒ
ዔቆንዳኔ።

5 ዬያጉዲ ሃሢ፦ «ፔቴ ኬላ ባጎ ኬላፓ ባሽ ቦንቺንታያኬ» ጌይ
ማላይ ናንዳኔ፤ ባጋሢ ሃሢ፦ «ሲያ ኬላ ሄኮ ቦንቺንታኒ ኮይሳኔ»
ጌይ ማላይ ናንዳኔ። ዓካሪ ዬያጉዳ ባኮ ሲያይዳ ፔቴ ፔቴሢ ፔ
ማሊዎ ዲማሲ ዔራንዳያ ኮይሳኔ።

13:9 ኬሲ. ማፃ 20:13-15፤17፤ ላሚ. ዎማ 5:17-19፤21፤ ሌዊ. ዓኬ 19:18።

6 ጤቴ ከሎ ሜሌ ከላገባ ለሽ ማሂ ለንቻያ ዓኣቶ ይያ ዒ ማዳሂ ጎዳ ለንቻም ጌዒኬ፤ ሲያ ባኮ ሙዒሂ ጎዳ ለንቻም ጌዒ ሙዒኬ፤ ሙዒ ሙዖሮዋ ያኦሲ ዒ ጋላታኔ። ሲያ ሙዖ ሙዑዋኣሂያ ያኦሲ ለንቻም ጌዒ ሙዑዋሴ፤ ዒ ሙዑዋዖ ሃሺያና ያኦሲ ጋላታኔ።

7 ኑጊዳገ ዖና ማዕቴያ ፔኤሮ ናንጋያና ፔኤሮ ሃይቃይ ባኣሴ፤

8 ኑኡኒ ናንጌቴያ ጎዳ ዩሱሴም፣ ሃይቁቴያ ጎዳ ዩሱሴምኬ፤ ዩያሮ ኑ ናንጌቴያ ሃይቁቴያ ጎዳ ዩሱሴሮኬ።

9 ዓይጎሮ ጌዔቴ ኪሪሰቶሴ ሃይቁ ሃይባገ ዒቁሂ ሸምፖና ናንጋ ዓሰና ሃይቁቴያ ናንገና ናንጋ ዓሰኮ ጎዳ ማዒኬ።

10 ሂዳቴ ፔቴይ ሜሌሂ ዑፃ ዓይጎሮ ኮይሱዋ ጎይሂና ዋጋይ? ሃሃ ፔቴሂ ባጋሂ ዓይጎሮ ለሃይ? ኑኡኒ ሲያሂ ያኦሲ ዋጎ ዋጋ ሴዞ ሺኢካንዳኔ፤

11 ዋይቲ ጌዔቴ ጎዳ፡-

«ታኣኒ ናንገና ባይቁዋ ያኦሲኬ፤

ዓሲ ሲያ ታ ሴርታ ጉምዓቲ

ፔ ዳንጎና ታኣኒ ያኦሲ ማዒሂ ማርካዳንዳኔ»

ጋዒ ጌይንቲ ፃኣፒንቲሂሮኬ።

12 ዩያሮ ኑ ፔቴ ፔቴሂ ኑ ማዶ ዛሎ ያኦሲ ሴርቶ ሺኢኪ ኬኤዛንዳኔ።

ዓሲም ዲቆ ማዒሂ ኮይሱዋያታሂ

13 ዓካሪ ኑጊዳገ ፔቴይ ባጋሂዳ ኮይሱዋ ጎይሂና ዋጊያ ሃሸንጎ፤ ሃሃ ዓሲ ዲቁሲ ጎማሲጎ ባኣዚ ማዲሂዳገ ካፒንቶንጎ።

14 ጎዳ ዩሱሴ ስሪሰቶሴ ዓሲ ታ ማዒ ጎይያና ሙኡዚዳ ሙይንታኒ ኮይሱዋ ሙኡዚ ባኣሂ ታ ዔሬኔ፤ ጋዒንቲ ፔቴ ዓሲ ፔቴ ባኣዚ «ሙይንታኒ ኮይሱዋ ባኣዚኬ» ጌዒ ማላያ ማዕቴ ዩና ባኬላ ዒዛም ሙይንታኒ ኮይሱዋ ባኣዚኬ።

15 ሙኡዚ ዛላና ኔ ዒሻሂ ኔ ማሊሺ ያዩጎያ ማዕቴ ናሹምና ዒዛና ኔ ናንጋያቱዋሴ፤ ዩያሮ ኪሪሰቶሴ ዒዛም ሃይቁ ዓሂ፣ ኔ ሙዒ ሙዖ ዛሎና ጎማሲ ባይዚፖ።

16 ዓካሪ ዒንሂም ኮሺ ማዒ ባኮ ሜሌ ዓጎ ለሃንዳጉዲ ማሂፖቴ።

17 ያኦሲ ካኦቲማ ዓያና ጌኤሺ ዛሎና ጰዳ ዒሉም፣ ኮሹምና ዋዛና ማዒንዳኣገዓቲም ሙኡዚና ዑሺና ዛላ ባኣዚቱዋሴ።

18 ዩያ ዲማሲ ዔሪ ኪሪሰቶሴም ማዳ ዓሲ ያኦሲ ዋዛጎንዳኔ፤ ዓሲ ሴርቲዳኣ ጋላቲንቲያ ማዒንዳኔ።

19 ዬያሮ ኮሹሞ ጴዳያ፣ ሃሣ ዋሊያ ሴካና ሃንጋና ደዲሻያ ማዔ ባአዚ ኑ ማደሞ።

20 ሙኡዚ ዛላና ያኦሲ ማዶ ኑ ባይዚባአቴ ኮሺኬ፤ ሙኡዚ ቢያ ሙይንታኒ ኮይሳያኬ፤ ጋዓንቴ ሜሌ ዓሲ ዲቂ ጎማሲሳ ሙኡዚ ሙዒሢ ደቢንቴኬ።

21 ዓሲ ዲቂ ደቢሻ ባአዚ ማዔቴ ዓሸኪ ሙዒሢንታ ደጋሢ ዑሽንታ ሃሣ ዬያጉዳ ሜሌ ባኮዋ ሃሺ፣ ቃራኬ።

22 ዓካሪ፤ ዬያ ኔኤኮ ጉሙርቂያ ኔኤና ያኦሲና ሌሊ ዔራያ ማፖንጎ፤ ዓይጎሮ ጌዔቴ «ፒዜኬ» ጌይ ዒ ማዳ ባኮ ዒና ዒዛኮ «ኔ ደቤኔ» ጎዑዋ ዓሲ ጋላቴንቴያኬ።

23 ሙኡዚ ዓልቴ ዓልቴ ሙዓ ዓሲ ጋዓንቴ ጉሙርቂሢና ዒ ሙዑዋዛሢ ጉሙርቂሢ ዒዛይዳ ሜቶ ሄሊሳንዳኔ፤ ዋይቴ ጌዔቴ ጉሙርቂሢና ማዳንቴባአ ባአዚ ቢያ ጎሜኬ።

15

ዓሲ ዋዛሳኒ ኮይሳያ ማዒያ

1 ኑኡኒ ኪሪሰቶሴ ጉሙርቂያና ደዲ ማዔ ዓሳ ጉሙርቂያና ላቤ ዓሰኮ ላቢያ ዔሪ ማአዳያ ማዓንዳኦጋዓቴም ኑና ኑ ዋዛሳያ ማዓኒ ኮይሱዋሴ፤

2 ኑኡኒ ፔቴ ፔቴሢ ሜሌሢ ያኦሲ ጉሙርቂያና ደዳንዳጉዲ ሜሌ ዓሢ ማአዳኒ ዒዛ ዋዛሳ ባአዚ ኑ ማደሞ።

3 ዓይጎሮ ጌዔቴ ኪሪሰቶሴ ፔና ዋዛሲባአሴ፤ ጋዓንቴ «ኔና ጫሽኮና ጫዠ ታና ሄሌኔ» ጌይንቴ ፃአፒንቴሢ ዒዛይዳ ማዔኔ።

4 ጌኤዠ ማፃኦጋጋ ኑ ዳንቃ ገቢ ዳንዳዒያና ደዲያና ሃጊ ማዓንዳ ዋዛ ኑኡኮ ዓአያ ኑና ማሃንዳጉዲ ቤርታዲ ፃአፒንቴ ባካ ቢያ ዔራቶ ኑ ዳንቃንዳጉዲ ኑም ፃአፒንቴኔ።

5 ዒንሢ ዬሱሰ ኪሪሰቶሴ ጊንያ ሃንታዞንሢ ማዔሢሮ ገቢ ዳንዳዒሢና ደዲሢና ዒንጋ፣ ጎዳ ፔቱሞ ዓያና ዒንሢም ዒንጎንጎ።

6 ዬይ ኑ ጎዳ ዬሱሰ ኪሪሰቶሴኮ ዓዶ ማዔ ያኦዛሢ * ፔቴ ዒናና ፔቴ ዑኡሲና ዒንሢ ዒዛ ቦንቻንዳጉዲ ማሆንጎ።

ዓይሁዳ ማዒባአ ዓሰም ኬኤዚንቴ ኮዠ ሃይሶ

15:3 ዓይኑ. 69:9። * 15:6 ዓዶ ማዔ ያኦዛሢ፡- ጋዓዛ ዓኮ ጫአቁም ማፃኦጋ ቤርታዲ ፃአፒንቴ ገሪኮ ሙኡጮና «ዬሱሰ ኪሪሰቶሴኮ ያኦዛሢና ዓዳሢና ጋላቴንጎንጎ» ጋዓኔ።

7 ኪሪሰቶስ ዲንሢ ሰንቸ ዔኬሢጉዲ ዲንሢያ ዋሊ ያኑሲ ሰንቸም ጌሲ ሰንቸዋቱ።

8 ሃይታ ከኤዛሢ ሰርታኑ ዓድንሢም ዲንገንቴ ሃገ ማዓንዳ ዋዛ ኩማንዳጉዲና ያኑሲኮዋ ጉሙርቂንቲፃ ዔርታንዳጉዲ ኪሪሰቶስ ዓይሁዴ ማዒባኣ ዓሰም ማዲያ ማዔኔ ጌይኬ።

9 ኪሪሰቶስ ዓይሁዴ ማዒባኣ ዓሰም ማዲያ ማዔ ሜሌ ጎይፃ ዓይሁዴ ማዒባኣ ዓሳ ያኑሲኮ ማኣሪፃ ዛሎ ጋላታንዳጉዲኬ፤ ዬይያ፡-

«ዓይሁዴ ማዒባኣ ዓሰ ሰንቸ ታ ኔና ጋላታኔ፤

ኔ ሱንፆዋ ዓይኑሞና ታ ጋላታኔ»

ጌይንቲ ፃኣፒንቴሢጉዲኬ።

10 ሃሣ፡-

«ዲንሢ ዓይሁዴ ማዒባኣ ዓሳ

ያኑሲ ዶኑሬ ዴሮና ዋላ ዋዛዲዋቱ»

ጌይንቲ ፃኣፒንቴኔ።

11 ለሚ ሃሣ፡-

«ዓይሁዴ ማዒባኣ ዓሳ ቢያ ያኑሲ ጋላቱዋቱ፤

ዴራኣ ቢያ ያኑሲ ጋላቱዋቱ»

ጌይንቲ ፃኣፒንቴኔ።

12 ዬያጉዲ ዲሲያሴ፡-

«ዴሮ ቢያ ዑፃ ካኣታዳንዳያ

ዲሴዬ ዜርፃፓ ሾይንታንዳኔ፤

ዲዛይዳ ዓይሁዴ ማዒባኣ ዓሳ

ሃገ ማዓንዳ ዋዛ ጌሣንዳኔ»

ጌዔኔ።

13 ዲንሢኮ ሃገ ማዓንዳ ዋዛ ዓያኖ ጌኤኩ ዋልቆና ዲጪ ዲጪ ዓኣዳንዳጉዲ ሃገ ማዓንዳ ዋዛ ዲንጋ፡ ጎዳ ዲንሢ ጉሙርቂሢሮ ዋዛና ኮሹሞና ሚርገሺ ዲንሢም ዲንጎም።

ጳውሎስ ጫርቂሲ ፃኣፒሴ ባኮ

14 ታ ዲሾንሦ! ታ ሚሾንሦ! ሚርጌና ዲንሢ ኮሺ ማዔሢ ሃሣ ሚርጌና ዲንሢ ዔራያ ማዔሢና ፔቱ ፔቱሢ ሜሌሢ ዘራኒ ዳንዳዓያ ማዔሢ ጎኔና ታ ዔሬኔ።

15 ፔቱ ፔቱ ባኣዚ ታ ዲንሢም ጳቂሢ ኮዒ ሃያ ኪኢቶ ጫርቂ ታ ዲንሢም ፃኣፔሢ ያኑሲ ታኣም ፔ ኮሹሞና ዲንጌ ጎይያናኬ።

15:9 2ሳሙ. 22:50፤ ዓይኑ. 18:49። 15:10 ለሚ. ዋፃ 32:43። 15:11 ዓይኑ. 117:1። 15:12 ዓ.ሲ. 11:10።

16 ዬይ ኮሹሞ ዲንጊፃ ታኣም ዲንጊንቴሢ ያኦሲኮ ኮዡ ሃይሶ ዓይሁዳ ማዒባኣ ዓሰም ቄኤሴ ማዒ ኬኤዚ። ዬሱሰ ኪሪሰቶሴም ማዲንዳጉዲኬ፤ ዬያሮ ዓይሁዳ ማዒባኣ ዓሳ ዓያና ጌኤሺና ያኦሲም ዲማዲያ ሃሣ ያኦሲ ዋዛሳያ ማዒ ያኦሲም ዲንጎ ባኣዚ ማዒ ዲንጊንታንዳጉዲ ታ ማዲኔ።

17 ታኣኒ ዬሱሰ ኪሪሰቶሴና ማዒ ያኦሲም ማዲኒ ዳንዳዒያና ያቶርቃኔ።

18 ታኣኒ ያቶርቃሢ ታ ኬኤዛ ባኮና ማዲ ማዶ ዛሎና ዓይሁዳ ማዒባኣ ዓሳ ያኦሲም ዓይሢንታንዳጉዲ ኪሪሰቶሴ ማሃሢሮ ሌሊኬ፤

19 ዬያጉዲ ሃሣ ኪሪሰቶሴ ያኦሲ ዋልቄና ማዲንታ ዓኪ ማዶንታ ዲቃሣ ማዶዋ ዓያኖ ጌኤዡ ዋልቆና ማዲ ዓይሁዳ ማዒባኣ ዓሳ ዓይሢንታንዳጉዲ ማሃሢሮ ታ ያቶርቃኔ፤ ዬያይዲያና ዬሩሳላሜይዳፓ ዴንዲ ዔልዋሪቆኔ ሄላንዳኣና ሃንቲ ሃንቲ ኪሪሰቶሴኮ ኮዡ ሃይሶ ታ ኬኤዜኔ።

20 ቢያ ኬሊ ታ ማላሢ ሜሌ ዓሲ ቦኦኮልቄያይዳ ማዡሢ ማዒባኣንቴ ኪሪሰቶሴኮ ሱንፃ ዋይዚንቴባኣ ቤሰካ ቢያ ኮዡ ሃይሶ ኬኤዛኒኬ።

21 ዬያ ታ ማዲሢ፡-
«ዒዛ ዛሎ ኬኤዚንቴ ቤቂባኣ ዓሳ፡
ዒዛ ዛጋንዳኔ፤
ዒዛ ዛሎ ዋይዚ ቤቂባኣ ዓሳኣ
ጳቂሢ ዔራንዳኔ»
ጌይንቴ ፃኣፒንቴ ጎይያናኬ።

ጳውሎሴ ሮሜ ዓጮ ዓኣዲኒ ማሌሢ

22 ሃኖ ሄላንዳኣና ዲንሢ ኮይላ ታ ሙካኒ ዳንዳዒባኣሢ ታ ዲንሢም ኬኤዜ ጎይያና ጌኢጊባኣሢሮኬ።

23 ሃሢ ታ ሃካ ዓኣ ማዶ ኩርሴሢሮ ሃሣ ሚርጌ ለዔፓ ዓርቂ ዲንሢ ዛጋኒ ሚርጌና ታ ኮዓሢሮ፡

24 ዲሰፔኔ ዓጮ ታ ዴንዳዖ ዲንሢያ ዒኢና ዛጊ ዓኣዲኒ ማሌኔ። ዲኢካ ዳካ ዲንሢና ዋላ ታ ዴዔሰካፓ ጎይያ ታ ዓኣዲንዳጉዲ ታኣም ኮይሳ ማኣዶ ዲንሢ ማኣዳንዳሢ ታ ጉሙርቃኔ።

25 ሃሢ ጋዓንቴ ኪሪሰቶሴ ጉሙርቃ ዓሰም ዲንጊንታ፡ ማኣዶ ሚኢሺ ዔኪ ዬሩሳላሜ ታ ዴንዳኔ፤

26 ዓይጎሮ ጌዔቴ ሜቄደኒያና ዓካይያ ጌይንታ ዓጮይዳ ዓኣ ኪሪስቶስ ጉሙርቃ ዓሳ ዩሩሳላሜይዳ ዓኣ ኪሪስቶስ ጉሙርቃ ዓሳ ባኣካ ዓኣ ማንቆ ዓሰም ሚኢሹ ማኣዶ ዳካኒ ማሌሢሮኬ።

27 ሃያ ማኣዳሢ ዔያታ ፔ ማሊሢና ዒንጌሢ ዔያቶ ኮይሳያ ማዔምኬ፤ ዎይቲ ጌዔቴ ዓይሁዴ ማዒባኣ ዓሳ ዓይሁዴ ዓሰና ዎላ ዓያኖ ዓንጅ ዴንቃያ ማዔሢሮ ዓይሁዴ ማዒባኣ ዓሳ ሳዎ ዓንጅ ዒንጌ ዓይሁዴ ዓሰ ማኣዳኒ ኮይሳሢሮኬ።

28 ዬያሮ ሃያ፣ ቡኩሶና ማኣዳሢ ሚኢሹ ዩሩሳላሜ ዔኪ ዓኣዲ ታ ዒንጌሢኮ ጊንፃ ዒስፔኔ ዓጮ ዴንዳዎ ዒንሢ ዬማና ታ ዛጋንዳኔ።

29 ዒንሢ ኮይላ ታ ሙካኣና ኪሪስቶስ ዛሎና ማዓ ዓንጅ ሚርጌና ታ ዒንሢም ዔኪ ሙካንዳሢ ጉሙርቃ።

30 ታ ዒሾንሦ! ታ ሚሾንሦ! ታ ዛሎ ታኣና ዎላ ዶዲ ያኦሲ ሸኢጲሢና ታና ዒንሢ ማኣዳንዳጉዲ ኑ ጎዳሢ ዬሱስ ኪሪስቶስና ዓያኖ ጌኦፐናኮ ናሹሞና ታ ዒንሢ ሸኢቃ።

31 ዒንሢ ታኣም ሸኢቃንዳሢ ዪሁዳ ዓጮይዳ ዓኣ ኪሪስቶስ ጉሙርቁዎ ዓሰይዳፓ ያኦሲ ታና ካፓንዳጉዲና ዩሩሳላሜይዳ ታ ማዳንዳ ማዳ ኪሪስቶስ ጉሙርቃ ዓሰ ዎዛሳንዳጉዲኬ።

32 ሃሣ ያዲ ማዔሢኮ ጊንፃ ያኦሲ ማሊሢ ማዔም ዒንሢ ኮይላ ታ ዎዛና ዬዔ፣ ዒንሢና ዎላ ዴዒ ሃውሻንዳጉዲኬ።

33 ኮሹሞ ዒንጋ፣ ያኦዛሢ ዒንሢ ቢያሢና ዎላ ማዎንጎ፤ ዓኣሜን።

16

ጳውሎስ ዳኬ ጎራሢያ

1 ኪንክሪያ ካታሞይዳ ዓኣ ሸኢጲያ ማኣራ ማዳ ኑ ሚሹሎ ፔቤኔ ዛሎ ታ ዒንሢ ሸኢቃ፤

2 ዒዛ ታናንታ ማሌ ሚርጌ ዓሲ ማኣዳያ ማዔሢሮ ያኦሲ ዓሲ ሾኦቲንሢ ኮይሳ ጎይያና ጎዳ ሱንያና ሾኦቲንሢ ዔኪ ዒዛም ኮይሳ ባኮና ቢያ ዒንሢ ዒዛ ማኣዳንዳጉዲ ታ ዒንሢ ሸኢቃ።

3 ዬሱስ ኪሪስቶስም ማዳያና ታኣና ዎላ ፔቴ ማዔ፣ ጲሪስቁላና ዓቁላናም «ኮሺዳ?» ጌዔኔ ጎውዎቴ፤

4 ዔያታ ታ ዛሎሮ ሃይቃኒያ ጌዔ ዓሲኬ፤ ዬያሮ ቢያ ዎዴ ታ ዔያቶም «ያኦሲ ዒንጎም» ጋዓኔ፤ ዬያ ታ ሌሊቱዎንቴ ዓይሁዴ ማዒባኣ ኪሪስቶስ ጉሙርቃ ሸኢጲያ ማኣሮ ዓሳኣ ጋዓኔ።

15:26 1ቆሮ. 16:1-4። 15:27 1ቆሮ. 9:11። 16:3 ዳኪ. ማዳ 18:2።

5 ሃሣ ዔያቶ ማኣሮይዳ ሺኢቃኒ ቡካ፣ ኪሪሰቶሴ ጉሙርቃ ዓሰም፤ ዒሲያ ዓጮይዳፓ ቤርታዲ ኪሪሰቶሴ ጉሙርቁያ፣ ታ ዒዛ ናሽካ ዔፖኖቶሴም «ኮሺዳ?» ጋዓኔ፤ ጎውዋቱ።

6 ዒንሢም ሚርጌና ላቤ ማይራሞማኣ «ኮሺዳ?» ጌዔኔ፤ ጎውዋቱ።

7 ሃሣ ታኣና ዋላ ቱኡቴዘንሢንታ ያኦሲ ማደም ዳኪንቴዘንሢ ባኣካ ዔርቴያ ዓይሁዴ ማዔ፣ ታ ዒጊኖንሢ፣ ዓንዲሮኒቆሴና ዩኒያሴናም «ኮሺዳ?» ጎውዋቱ። ዔያታ ኪሪሰቶሴ ጉሙርቁያና ታና ቢራያኬ።

8 ጎዳ ሱንያና ታ ናሽካ ዓንፒሊያቶሴማኣ «ኮሺዳ?» ጌዔኔ፤ ጎውዋቱ።

9 ኪሪሰቶሴ ማደ ማዲያና ኑኡና ዋላ ፔቴ ማዔ፣ ዑርባናሴና ታኣኒ ናሽካ፣ ዒሰፃኩሴናም «ኮሺዳ?» ጋዓኔ፤ ጎውዋቱ።

10 ኪሪሰቶሴ ዒ ጉሙርቃሢ ዛጊንቲ ዔርቴም «ጎኔኬ» ጌይንቴ፣ ዓፒሊሴም ሃሣ ዓርፄቡሎሴ ማኣሮ ዓሰፓ ማዔዘንሢማ «ኮሺዳ?» ጌዔኔ፤ ጎውዋቱ።

11 ዓይሁዴ ዓሲ ማዔ፣ ታ ዒጊናሢ ሄሮዲዮኔም፤ ሃሣ ጎዳ ጉሙርቃ ናርሴሴ ማኣሮ ዓሰማኣ «ኮሺዳ?» ጌዔኔ፤ ጎውዋቱ።

12 ጎዳ ማደ ማዲ ላባ ቲሩፓይኖና ቲሩፖሶ ጌይንታ ላኣሎንሢም፤ ሃሣ ሚርጌና ላቢ ማዴ፣ ኪሪሰቶሴ ሱንያና ታ ናሽካ ፒሪሲሳ ጎያዜሎም «ኮሺዳ?» ጌዔኔ፤ ጎውዋቱ።

13 ጎዳ ማደ ማዲያና ዔርቴ ሩፖሴም ሃሣ ታና ፔናጉዲ ማሂ ናሽካ ዒዛኮ ዒንደማኣ «ኮሺዳ?» ጌዔኔ፤ ጎውዋቱ።

14 ዓሰኪራቶሴና ፒሊጎያኔናም፣ ሄርሜሴም፣ ፓትሮባሴም፣ ሄርማሴም ሃሣ ዔያቶና ዋላ ዓኣ ኪሪሰቶሴ ጉሙርቃ ዒሾንሢንታ ሚሾንሢታም «ኮሺዳ?» ጌዔኔ፤ ጎውዋቱ።

15 ፒሎጎሴም፣ ዩሊያም፣ ኔሪያና ዒዛኮ ጌርናም ሃሣ ያሎምሴና ዒዛና ዋላ ዓኣ ኪሪሰቶሴ ጉሙርቃዘንሢም ቢያ «ኮሺዳ?» ጌዔኔ፤ ጎውዋቱ።

16 ዋሊኮ ጌርሲንሢጉዲ፣ ናሹሞና ዋሊ ሄርቂ ዔኤሊንቴዋቱ። ኪሪሰቶሴ ጉሙርቃ ሺኢጲያ ማኣሮ ዓሳ ቢያ ዒንሢ «ኮሺዳ?» ጋዓኔ።

ጳውሎሴኮ ጋፒንያ ዘር

17 ታ ዒሾንሢ! ታ ሚሾንሢ! ዒንሢኮ ባኣካ ዒንሢ ዲማሳያና ዒንሢ ኪሪሰቶሴ ጉሙርቁያና ደዲዋጉዲ ማሃ ዓሰይዳፓ ዒንሢና

16:13 ማር. 15:21።

ካቸዋቱ፤ ዲንሢ ዋይዚ ዔኬ ዔራቶ ዔያታ ዲፃያ ማዔሢሮ ዔያቶይዳፓ ዲማዲዋቱ።

18 ዬያጉዴ ዓሳ ፔኤኮ ፑርቶ ማሊያ ኩንሣያኬ፤ ኑ ጎዳሢ ኪሪሰቶሴም ማዲያቱዋሴ፤ ዔያታ ኮሺ ጌሰታያ ማሊ፣ ጌሺሢ ሃይሴና ዒና ጂሎ ማዔ፣ ኮዠ ዓሶ ጌሻኔ።

19 ዲንሢ ኮዠ ሃይሶ ዋይዚ ዔኪ ዓይሢንታያ ማዔሢ ዓሳ ቢያ ዔራሢሮ ታና ኮሺ ዋዛሳኔ። ጋዓንቱ ኮሺ ባአዚም ጪንጫ፤ ፑርታ ባአዚም ጋዓንቱ ዔኤቢ ዔሩቀ ዓሲ ዲንሢ ማዓንዳጉዲ ታ ኮዔኔ።

20 ዲንሢ ዬያይይቱ ኮሹሞ ዲንጋ ያኦዛሢ ፃላሃ ዲንሢኮ ቶኮ ዴማ ዓጊ ሄርቁ ዳአፃንዳኔ።

ጎዳ ዬሱሰ ኪሪሰቶሴኮ ኮሹሞ ዲንጊፃ ዲንሢና ማዖንጎ።

21 ታኦና ዋላ ማዳ ጂሞቱዋሴንታ ኑ ዜርዖ፣ ዓይሁዴ ማዔ፣ ሉቁዮሴንታ ዒያሱኔንታ ዬያጉዲ ሃሣ ሶሰጳጂሮሴያ «ኮሺዳ?» ዲንሢ ጋዓኔ።

22 ሃያ ኪኢቶ ፃአፓሢ፣ ታኦኒ ፃፀሪዮሴያ ጎዳ ሱንፆና ዲንሢ «ኮሺዳ?» ጋዓኔ።

23 ታና ሃሣ ሸኦቹንሣሢና ሃይካ ዓኦ ኪሪሰቶሴ ጉሙርቃ ዓሶዋ ፔ ማኦርይዳ ቡኪ ሺኢቃንዳጉዲ ማሃ፣ ጋይዮሴንታ ሃና ካታሜሎኮ ሚኢሾ ዓርቃያ ማዔ፣ ዔራሰፆሴንታ ኑ ዲሻሢ ቁዋርዖሴንታ ዲንሢ «ኮሺዳ?» ጋዓኔ።

24 ጎዳ ዬሱሰ ኪሪሰቶሴኮ ኮሹሞ ዲንጊፃ ዲንሢ ቢያሢም ማዖንጎ፤ ዓኦሜን።

ጳውሎሴኮ ጋላቶ ሺኢጲዖ

25 ዓካሪ ያኦሰም ጋላታ ሄሎንጎ! ሚርጌ ሉዔ ዓኦሺንቲ ዓኦያ ሃሢ ታኦኒ ዬሱሰ ኪሪሰቶሴ ዛሎ ኬኤዛ፣ ኮዠ ሃይሶና ፔጋዴ ጎኦሞና ደዲ ዲንሢ ዔቃንዳጉዲ ያኦሰ ዲንሢ ማሃኒ ዳንዳዓኔ።

26 ሃሢ ጋዓንቱ ዬይ ጎኦማ ያኦሰ ማሊያ ኬኤዛ ዓሶ ማፃኦፓ ዛሎና ፔጋዲ ጳዴኔ፤ ቢያሢ ጉሙርቁ ዓይሢንታንዳጉዲ ናንጊና ናንጋ ያኦዛሢ ዓይሢም ዴሬ ቢያ ዔራንዳጉዲ ዬይ ማዲንቱኔ፤

27 ዒዚ ሌሊ ዔራ ማዔ፣ ፔቱ ያኦዛሢም ዬሱሰ ኪሪሰቶሴ ዛሎና ናንጊና ቦንቾ ማዖንጎ! ዓኦሜን።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929